

四庫全書

集部

欽定四庫全書

集部
文選卷五十九

詳校官庶吉士

臣汪彥博

助教臣常循覆勘

總校官編修

臣王燕緒

校對官中書

臣吳紹昱

謄錄監生

臣卨卿雲

欽定四庫全書

文選卷五十九

梁昭明太子蕭統編

唐李善呂延濟劉良張銑呂向李周翰註

碑文

頭陀寺碑文一首

善曰天竺言頭陀此言斗
戴斗戴煩惱故曰頭陀

王簡栖

善曰姓氏英賢錄曰王少字簡栖瑯邪
臨沂人也有學業為頭陀寺碑文詞巧

麗為世所重起家鄆州從事征南記室天監
四年卒碑在鄂州題云齊國錄事參軍瑯邪

王少製 濟曰姓氏英賢錄云王少字簡栖
瑯邪臨沂人也齊朝起家郢州從事後為輔

國錄事
參軍

蓋聞挹朝夕之池者無以測其淺深仰蒼蒼之色者不

足知其遠近

善曰家語曰孔子觀於魯桓公之廟有歌
器焉使弟子挹之水毛萇詩傳曰挹斟也

枚乘上書吳王曰游曲臺臨上路不如挹朝夕之池桓
子新論子貢謂齊景公曰臣之事仲尼譬如渴而操杯
就江海飲飲滿而去又焉知江海之深乎挹於入切斟
勾愚切莊子曰天之蒼蒼其正色邪其遠而無所至極
耶韓詩外傳子貢謂景公曰臣終身戴天不能知
其高 翰曰挹酌也朝夕池海也蒼蒼之色天也

況視

聽之外若存若亡心行之表不生不滅者哉

善曰僧肇
涅槃論曰

視聽之所不暨四空之所昏昧管子曰聖人之道若存若亡援而用之沒代不忘竺道生曰心行心所行之行也維摩經曰畢竟不生不滅是無常義也向曰是以目無所見故若存若亡心無所繫故不生不滅也

掩室摩竭用啓息言之津

善曰華嚴經曰佛在摩竭提國寂滅道場始成正覺法華

經曰寂滅無言也僧肇論曰釋迦掩室於摩竭鄭玄論語注曰津濟渡水處良曰掩室謂斂心入靜也華嚴

經云佛在摩竭國處寂滅道場此言杜口毗邪以通得斂心於摩竭之國用開不言之道也

意之路

善曰至理幽微非言說之所及掩室摩竭示寂滅以息言杜口毗邪現默然而得意維摩經曰

佛在毗邪離菴羅樹園佛告文殊師利汝行詣維摩詰問疾文殊師利問維摩詰何等是菩薩入不二法門時維摩嘿然無言文殊師利嘆曰善哉善哉乃至無有文字語言是真入不二法門僧肇論曰淨名杜口於毗邪

莊子曰言者所以在意也得意而忘言也
銑曰杜口謂不言也同善注然語彞倫者必求

宗於九疇談陰陽者亦研幾於六位
善曰真諦無言俗諦借言以明理故

此明言之用也尚書武王訪于箕子曰我不知彞倫攸
叙周易曰夫易所以極深研幾也又曰分陰分陽迭用

柔剛故易六位而成章王弼曰六位爻之文也
濟曰彞常倫理也言欲語理人之常理者必求事於九疇疇

類也九類一曰五行二曰五事三曰八政四曰五紀五
曰皇極六曰三德七曰稽疑八曰庶徵九曰五福
翰

曰六位易卦
之六爻也

是故三才既辨識妙物之功萬象已陳悟

太極之致
善曰此顯言之功也周易曰易有天道焉有

人道焉有地道焉兼三才而兩之故六又曰

神者妙萬物而為言者也孝經鉤命決曰地以舒形萬

象咸載聲類曰悟心曰解周易曰易有太極是生兩儀

翰曰三才天地人也

言之不可以已其在茲乎

善曰言所以識

物悟太極者皆藉言明之不可止者其在此乎左氏傳叔向謂驪蔑曰子若無言吾幾失子矣言之不可以已

也如是良曰已止也然又繫所筌窮於此域

善曰又言廣大無窮故不可止

繫繫辭也因文以立辭亦因辭以明理也故又繫之所明窮生死於此域也莊子曰筌所以得魚得魚而忘筌筌捕魚之筍莊子以之喻言大智度論曰二乘以生則死為此岸銑曰繫繫辭也筌期也此域謂道也則

稱謂所絕形乎彼岸矣

善曰至如涅槃妙旨非言說之所能明故稱謂所絕現於

涅槃之彼岸矣僧肇論曰玄極無名稱謂絕焉鄭玄禮記注曰稱猶言也王逸楚詞注曰說謂也涅槃經曰心無退轉即便前進既前進已得到彼岸登大高山離諸恐怖多受安樂彼岸山者喻於如來受安樂者喻於常

住大高山者喻大涅槃也。大智度論曰：亦以涅槃為彼岸也。翰曰：稱謂名號也。言天道無名，故名號絕彼岸。

謂覺悟也。彼岸者，引之於有，則高謝四流；推之於無，則俯弘。

六度。善曰：彼岸絕乎稱謂者，若引之而入，有則去四流而現無；若推之而入，無則弘六度以明。有僧釋摩

維摩經注曰：不可得而有，不可得而無者，其唯大乘乎？何則？欲言其有，無相無名，欲言其無，方德斯行，故雖無

而有，無相無名，故雖有而無。然則言有不垂，無言無不垂。有也，魏都賦曰：高謝萬邦。大智度論曰：欲流有流，無

明流有見流。三國名臣頌曰：俯弘時務，瑞應經曰：行六度無極。布施持戒，忍辱精進，一心智慧，諸經以一心為

禪定。向曰：謝去也。四流謂欲流、有流、無明流、有見流。六度者，布施以廣仁義也，持戒以守信也，忍辱以為謙

也，精進以思敬也，禪定以守靜也，智慧以通其理也。名言不得其性，相隨迎不見。

其終始

善曰法雖有無豈名言之所得法無形象豈隨迎之可見維摩經維摩詰曰法無名字言語斷

故法無形相如虛空故法同法性入諸法故法相如是豈可說乎竺道生曰法性者法之本分也法相者事之貌也老子曰隨之不見其後迎之不見其首良曰其道廣大名之言之亦不得知其體性質相者也隨而求之迎而望之又不可見其終始之所由也

不可以學地

五臣本作識智字

知不可以

意生及其涅槃之蘊也

五臣本作華經曰昔在學地

善曰妙法蓮

我法能離生老病死究竟涅槃勝鬘經曰意生身無漏業生依無明住學地謂三果意生謂菩薩言能變化生死隨意往生法華經曰諸佛弟子衆皆如舍利弗盡思共度量不能測佛智不退諸菩薩亦復如是不能知周易曰乾坤其易之蘊邪韓康伯注曰蘊淵奧也濟曰言不可以識智廣博而達其理不可以習意所生以及

其事者寂滅之道積也
也涅槃寂滅也蘊積也

夫幽谷無私有至斯響洪鐘虛

受無來不應

善曰周易曰入于幽谷幽不明也尚書大傳孔子曰夫山生材用而無私為馬四方

皆伐無私與馬論衡曰呼於坑谷之中響立應禮記曰善待問者如撞鐘叩之以小者則小鳴叩之以大者則

大鳴劉熙釋名曰鐘空也內空受氣多故聲大也文子曰虛無不受靜無不持庠秀相風賦曰故無來而不應

今何適莫之足嬰

翰曰幽深之谷本無情有聲至則

必答之以響大鐘虛其體以受和和來無不應之以聲

佛道於物亦如是無私也

沉法身圓對規矩冥立

善曰圓對謂有感斯對而無不周也

勝鬘經曰涅槃界者即是如來法身僧肇論曰法身無像應法以形千難殊對而不干其慮禮記曰古之君子

周旋中規折旋中矩

僧肇維摩經序曰冥權無謀而動與事會銑曰阿毗達摩二義一名無比法一名對法

也圓對蓋謂無滯闕也冥立一音稱物宮商潛運善曰謂與冥昧之道相會而立也

經曰佛以一音演說法衆生隨類各得解脫周易曰稱物平施漢書曰聲者宮商角徵羽也良曰言道合萬

物是以如來利見迦維託生王室善曰如來佛號謝靈運金剛般若經注曰

諸法性空理無乖異謂之為如會如解故名如來竺道生維摩經注曰如者謂如與如冥無復有如之理從此

中來故曰如來瑞應經曰菩薩下當世作佛託生天竺迦維羅衛國父王名曰靜夫人曰妙迦維羅衛者天地

之中央周易曰利見大人左氏傳曰會于洮謀王室也向曰菩薩下當世作佛託生天竺迦維羅衛國王為子也

憑五行之軼拯溺逝川善曰僧肇論曰騁六通之神驥乘五行之安車五行五乘天竺

言衍此言乘五乘一人二天三聲聞四辟支佛五菩薩今碑本以為憑四衢之軼蓋梁代諱衍故改焉左氏傳

曰楚子王使鬬勃謂晉侯曰請與君之士戲君憑軾而觀之說文曰出溺為拯論語曰子在川上曰逝者如斯

銑曰如來乘五行之安車五行五乘也一人二天三聲聞四辟支佛五菩薩也軾車上橫木也拯救也言人為

不善有如逝川之流日夜不
止而如來化救之使齊矣
開八正之門大庇交喪

維摩經曰雖行八正道而樂行無量佛道是菩薩行僧肇論曰啓八正之平路坦衆聖之夷塗大品經說八正

曰正見正思惟正語正業正命正精進正念正定也爾雅曰庇廕也莊子曰世喪道矣道喪世矣世與道交相

喪也翰曰一正見二思惟三正語四正業五正命六精進七正念八正定言如來開此八者大蔭其人交喪

失於道於是玄關幽鍵感而遂通遙源濬
波酌

而不竭
善曰玄關幽鍵喻法藏也謝靈運金剛般若經注曰玄關難啓善鍵易開戴逵棲林賦曰幽關

忽其離鍵玄風暖以雲頽字林曰鍵門距周易曰寂然不動感而遂通天下之故非天下之至神孰能與於此
遂源濬波喻法海也文子曰取焉而不損酌焉而不竭
莫知其所以由也銑曰玄幽謂道之深邃也關鍵皆所以閉拒於門者言如來說喻微妙道門
遂通如長源深水酌取不竭也浚深也

行不捨之檀而

施聲洽羣有

善曰夫心愛衆生而行捨者捨則增愛非為實捨故大士之捨見不施之捨者及於

衆生斯為不捨以茲而施故羣有俱洽大品經曰不施不慳是名檀波羅蜜僧肇論曰賢劫稱無捨之檀成其美不為之為也天竺言檀此言布施波羅蜜此言到彼岸也羣有謂有色無色有想無想以其不一故曰羣有也僧肇維摩經注曰鏡羣有以通玄而物我俱一良曰捨止也檀惠也洽徧也羣有謂萬物

唱無緣

之慈而澤周萬物

善曰夫行慈者以衆生為緣衆生為緣則慈無所寄故大士之慈離於衆

相離相行慈名為無緣無緣生慈是為真實以斯而唱
則物無不周涅槃經曰得諸菩薩無緣之慈僧肇論曰
禪典唱無緣之慈思益演不知之知泥洹經曰無緣者
不住法相反衆生相釋道安曰解從緣散周易曰智周
萬物而道濟天下向曰大士之慈演勿照之明而鑒
空中而行空中行慈故為無緣之慈

窮沙界

善曰天以明照物明盡則照窮而勿照之明猶
無得之得無得而得斯為真得故勿照之明斯

為真明矣演真明而廣照何止鑒窮沙界乎僧肇論曰
至人虛心冥照理無不統而靈鑒有餘金剛般若經曰
諸恒河所有沙數佛世界如是寧為多不濟曰演廣
勿無也大聖無私萬品無有不盡照者故以無私照之
明而鑒極於**導亡機之權而功濟塵劫**善曰機謂機心
沙數之界也權方便也夫
以機心導物物斯以機心應之物有機心則結累斯起
故誘以無機之智何止功濟塵劫乎僧肇論曰至人灰

心滅智內無機照之勤辯亡論曰魏氏功濟諸華法華
經曰如人以力摩三千大千土復盡末為塵為一劫此
諸微塵數其劫復過是翰曰導引也亡無也若聖人
以有機之權人人以機應則多惑矣引以無機故不亂
焉是功濟於微塵時義遠矣能事畢矣善曰周易曰天
數劫矣劫猶世也
義大矣哉又曰四營而成易十有
八變而成卦天下之能事畢矣
然後拂衣雙樹脫屣

金沙

善曰左氏傳曰叔向拂衣從之涅槃經曰佛在拘
尸那國力士生地阿利羅拔提河邊婆羅雙樹間

爾時世尊臨涅槃史記武帝曰嗟乎吾誠得如黃帝吾
視去妻子如脫屣耳拔河一名金沙河也銑曰言如
來演行聖化功濟微塵拂衣於娑羅樹間脫屣於金沙
池中將歸乎涅槃示有所終也樹謂娑羅樹也履履也
惟恍惟惚不皦不昧莫繫於去來復歸於無物善曰老
子曰道

之為物惟悅惟惚王弼曰悅惚無形不繫之貌也又曰一者其上不皦其下不昧繩繩不可名復歸於無物鍾會曰光而不耀濁而不昧繩繩今其無繫汜乎其無薄也微妙難名終歸於無物維摩經曰法無去來常不住故僧肇曰法若住則從未到現在從現在未過去遙三世則有去來也以法不常住故也向曰悅惚不明貌言如來之道不明不昧無所從來亦因斯而談則棲無所去身歸涅槃復無質也物質也

遑大千無為之寂不撓焚燎堅林不盡之靈無歇大矣

哉

善曰答賓戲曰聖哲治之棲遑大千者謂一三千界下至阿毗地獄上非想天為一世界千三界為小千

世界千小世界為大千世界至千中千世界為大千世界維摩經曰夫出家者為無為法瑞應經曰吾虛心樂靜無為無欲僧肇維摩經注曰寂謂寂滅常靜之道廣雅曰撓亂也乃飽切涅槃經曰佛以千疊纏裹其身積

衆香木以火焚之僧祇律曰如大涅槃經說世尊向熙連禪河力士生地堅固林雙樹間般涅槃於天冠塔邊闍維僧肇維摩經注曰無實相無法常住故盡法華經曰方便見涅槃盤而實不滅度常住此說法也良曰棲遑謂游處也撓亂也如來游處於三千大千世界雖行其化而無為之心寂然不動終無亂也濟曰焚燎火也堅林謂衆木也佛以千張白疊纏身積衆香木也堅林謂衆木也佛以千張白疊纏身積衆香木也

正法

既沒象教陵夷

善曰曇無羅識曰釋迦佛正法住世五百年像法一千年末法一萬年論語曰

大王既沒漢書張釋之曰秦陵夷至于二世天下土崩翰曰正法既沒謂如來已入涅槃也象教謂為形象以

教人也陵夷頽壞也

穿鑿異端者以違方為得一

善曰孔安國論語注曰妄作穿

鑿以成文章不知所以裁製論語子曰攻乎異端斯害也已謝宣遠贈靈運詩曰違方往有吝杜預左氏傳注

曰方法也云得一者鍾會曰一亦道也向曰正法既没人多穿鑿異端競起違於大法以色相執理以音聲

求真自以為得道矣方法也一道也順非辯偽者比微言於目論善曰禮記曰言

偽而辯順非而澤維摩經曰於衆言中微妙第一僧肇論曰采微言於聰表史記曰齊威王使說越王齊使曰

幸也越之亡也吾不貴其用知之如目見毫毛而不

自見其睫今王知晉失計而不自知越之過是目論也

銳曰意順於非成以為是口辯其偽理以為真者則比微妙之聖言於目前狹論也於是馬鳴幽

讚龍樹虛求並振頽綱俱維絕紐善曰摩訶摩邪經曰正法衰微六百歲已

九十六種諸外道等邪見競興破滅佛法有一比丘名曰馬鳴善說法要降伏一切諸外道輩七百歲已有一比丘名曰龍樹善說法要滅邪見幢燃正法炬周易曰幽贊於神明而生著王弼曰幽深贊明也陸機大將軍

宴會詩曰：頽網既振，謝莊為沈慶之荅劉義宣書曰：皇網絕而復紐，區夏墜而更維。說文曰：紐，系也。翰曰：幽

讚謂遠助佛化，虛求謂虛心以求道。言此二比丘能整頽壞之網，紀繫絕毀之紐，帶振整也。言大法之要如人

衣有紐。帶也。陰法雲於真際則火宅晨涼。善曰：華嚴經曰：不壞法雲徧覆一切。

劉虯法華經注曰：雲譬應身，則殊形並見，順機不徧，此則彌布徧覆之義也。維摩經曰：同真際等法性不可量。

肇師曰：真際實際法華經曰：三界無安，猶如火宅，眾苦所燒，我皆拔濟之。向曰：華嚴經云：不壞法雲徧覆一

切法華經云：三界無安，猶如火宅，眾苦所燒也。言馬鳴龍樹二比丘能行正法以濟眾物，如雲陰真境火宅之

難乃涼也。曜慧曰：於康衢則重昏夜曉。善曰：劉虯曰：菩際境也。薩圓淨照均明。

兩故曰：慧日又曰：諸子安穩得出，皆於四衢露坐，爾雅曰：四達謂之衢。五達謂之康頭陀經：心王菩薩曰：我見

覆蔽飲雜毒酒重昏長寂云何得悟慈心示語使得開
解翰云法華經云慧日大聖尊久乃說是法康衢道
也言二比丘演說佛化萬物見明如日照於道重深昏暗之處夜中亦曉故能使三十七品

有樽俎之師

善曰言義徒精銳有樽俎之深謀維摩經曰於諸見不動而修行三十七品是為宴

坐僧肇曰諸見六十二諸見妄也竺道生曰正觀則三十七品也羅什曰三十七品二乘道大品經說三十七品曰四念處四勤正四如意足五根五力七覺分八正道分銑曰大品經三十七品言此諸品為佛法之

要而二比丘興行此法以伏外道亦如晏子於樽俎之間而折晉軍也晉欲伐齊使覲之齊饗使者使者將亂齊樂曰晏子太師知之使還報曰齊不可伐也孔子聞之曰不出樽俎之間折衡千里之外者晏子之謂也

九十六種無藩籬之固

善曰邪黨分崩無藩籬以自固羅什維摩經注曰摩訶秦言無

大亦言勝大能勝九十六種論議辨亡論曰城池無藩
離之固良曰九十六種謂外道破滅佛法也一為說

喻其心皆伏悉無障礙若無既而方廣東被教肆南移
草木藩籬之固豁然以通

善曰華嚴經題云大方廣佛華嚴經孔安國尚書傳曰
被及也周易曰君子以教思無窮濟曰方廣佛號也

教肆謂教人習法也肆習也周魯二莊親昭夜景之鑒漢晉兩明並

勒丹青之飾善曰顧微吳縣記曰佛法詳其始而典籍
亦無聞焉魯莊七年夜明佛生之日也左

氏傳曰莊公七年四月卒郊夜恒星不見夜明也史記
曰周桓王崩子莊王陀立十五年莊王崩左氏傳莊公

三年葬桓王然則周莊王魯莊公為同時也瑞應經曰
到四月八日夜明星出時佛從右脅墮地即行七步年

子曰漢明帝夢見神人身有日光飛在殿前以問羣臣
傅毅對曰天竺有佛將其神也後得其形像何法盛晉

書曰彭城王結以肅祖明皇帝好佛手書形像經歷冠

難而此堂猶在宜成作頌蔡謨云今發王命稱先帝好

佛於義有疑張綱集曰盡功金石圖形丹青向曰周

銑曰漢明帝晉明帝故稱兩然後遺文間去出列剎察

相望善曰遺文謂經也史記曰天下遺文靡不畢集大

山言相望也翰曰遺澄什結轍於山西林遠肩隨乎

文謂經也列剎佛塔也澄什結轍於山西林遠肩隨乎

江左矣善曰高僧傳曰天竺佛國澄西域人本姓帛少

陽以麻油雜菌支圖掌千里外事皆澈見掌中如對面

焉後澄死之月人見在流沙又曰鳩摩羅什天竺人七

歲出家什既道流西域名被東川苻堅遣呂光西伐破

龜茲乃將什至涼州姚萇已殺苻堅光遂王彼至萇子

興破涼州始將什至長安後卒長安漢書文帝詔曰使
者冠蓋相望結轍於道班固漢書贊曰秦漢以來山東
出相山西出將高僧傳曰支邈字道林本姓關陳留人
初至京師王濛甚重之年二十五出家師釋道安符丕
後還吳入剡王羲之遂與披衿解帶留連不能已又曰
釋惠遠本姓賈氏鴈門人遊許洛出家師釋道安符丕
後還吳入襄陽南達荊州欲往羅浮屆尋陽見廬峯遂
居焉三十餘年影不出山迹不入俗晉義熙十二年終
禮記曰十年以長則兄事之五年以長則肩隨之晉中
興書元帝詔曰朕應天符創基江左春秋命厯序曰東
方為左西方為右向曰佛圖澄羅什法師並高道之
僧也結轍謂教迹多也銑曰道林惠遠二僧名並有
高道皆由吳頭陀寺者沙門釋惠宗之所立也南則大川浩
汗雲霞之所沃蕩

善曰瑞應經曰太子出北城門天帝
復化作沙門太子曰何謂沙門對曰

沙門之為道舍妻子捐棄愛欲也釋僧肇維摩經注曰沙門秦言義訓勤行超涅槃也周易曰利涉大川海賦

曰滂瀉浩汗又曰灌漑濩渭蕩雲沃日良曰沃流也蕩動也北則層峯削成日月之

所迴薄善曰山海經曰太華之山削成而四方蜀都賦曰陽鳥迴翼於高標揚雄反離騷曰恐日薄於

西山濟曰迴西眺城邑百雉紆餘善曰左氏傳蔡仲照也薄迫也

之害也鍾會懷土賦曰望東城之紆餘翰曰三版曰一雉紆餘曲直貌東望平準千里超

忽善曰楚辭曰出不入兮往不反平原忽兮路超遠向曰超忽遠貌信楚都之勝地也

宗法師行絜珪壁擁錫來游善曰毛詩曰有匪君子如珪如璧東觀漢記馮衍說

鮑永曰珪壁其行束修其心錫杖也大智論曰菩薩常用錫杖經傳佛像莊子曰神農擁杖而起銑曰

珪璧比有德也擁執也錫錫杖也

以為宅生者緣業空則緣廢

善曰言身從緣

生緣空斯廢也維摩經曰如影從身業緣生見僧肇曰身眾緣所成緣合則赴緣散則離金光明經曰所謂無明緣行行緣識識緣名名緣色色緣六入六入緣觸觸緣愛愛緣緣取取緣有有緣生生緣老死憂悲苦惱滅聚釋僧肇維摩經注曰諸法之生本乎三業既無三業誰作諸佛良曰宅居也言如緣業皆空虛則存緣之心也

廢存軀者惑理勝則惑亡

善曰惑煩惱也言萬物雖廣解惑則起相受生解者身心

寂滅涅槃經曰要因煩惱而得有身竺道生維摩經注曰應生者愛身情也苟曰無常豈可愛戀若能悟不惑而惑自亡矣惑者無復存身也濟曰軀身也言人志若存其身者皆為迷惑至道若知理存道道勝則迷惑無也亡

遂欲捨百齡於中身徇肌膚於猛鷲

善曰禮記曰古者謂

年為齡齒亦齡也田邑報馮衍書曰百齡之期未有能
至尚書曰文王受命唯中身列子曰藐姑射之山有神
人居焉肌膚若冰雪漢書臣瓚注曰亡身從物曰殉李
尤七難曰猛鷲陸嬉龍龜水處翰曰言欲中捨百年
之身志救萬物也徇猶施也肌膚肉也猛鷲鷹也棲伽
經云自在天王化身為鵠釋提桓因是諸天王化身作
鷹逐此鵠鵠來投我稱

班荆蔭松者久之

善曰左氏傳

已身肉與鷹代鵠也

聲子將如晉遇之於鄭郊班荆相與食楚辭曰山中人
兮芳杜若飲石泉兮蔭松栢向曰班荆蔭松栢山野

之居班

宋大明五年始立方丈茅茨以庇經象

善曰沈

布也孝武皇帝即位改元曰大明淮南子曰聖人處環堵之
室茨之以生茅高誘曰堵長一丈高一丈四面環一堵為
方丈故曰環堵言其小也說文曰茨蓋也爾雅曰庇蔭
也銑曰宋孝武皇帝時也言立方丈之室覆以茅茨

之草以置
經象也

後軍長史江夏內史會稽孔府君諱覲

善曰沈約

宋書曰孔覲字思遠會稽人也初舉揚州秀才補主簿後除冠軍長史江夏內史隨府轉後軍長史覲音冀

濟曰江夏郡名守職處也會稽郡孔君本屬也諱名也

為之薙草開林置經行之

室

善曰周禮曰薙草下士二人鄭玄曰薙剪草也法華經曰經行林中勤求佛道翰曰薙艾也經行謂經

之行息
之處

安西將軍郢州刺史江安伯濟陽蔡使君諱興

五臣本
無興字

宗

善曰沈約宋書曰蔡興宗濟陽人也為使持節都督郢州諸軍事安西將軍郢州刺史

復為崇基表刹立禪誦之堂焉

善曰維摩經曰佛言諸佛滅後以全身舍利起

七寶塔表刹刹莊嚴而供養也
良曰刹塔也

以法師景行大迦葉故以頭陀

為稱首

善曰詩曰高山仰止景行行止彌勒成佛經曰彌勒佛讚言大伽葉比丘是釋迦牟尼佛大弟

子釋迦牟尼佛於大衆中常所讚歎頭陀第一通達禪定解脫三昧封禪書曰前聖所以永保鴻名而常為

稱首者用此者也向曰大迦葉佛大弟子也言法師景行如大迦葉故以頭陀為寺之稱首頭陀斗數也言

斗數煩惱後有僧勤法師真節苦心求仁養志
善曰楚辭曰原

生受命于真節曹植擬九詠曰徒勤躬兮苦心論語子曰求仁而得仁莊子曰養志者忘形也纂修堂

宇未就而沒
善曰國語祭公謀父曰時序其德纂修其緒銑曰纂繼沒死也高軌難

追藏舟易遠
善曰魏太祖祭橋玄文曰懿德高軌汎愛博容莊子曰夫載舟於壑藏山於澤謂之

固矣然而夜半有力者負之而趨昧者不知郭象曰方
言死生變化之不可逃翰曰軌迹也莊子曰藏舟於

聖人以為固不知有力者負之而趨喻人性命為造化所運忽焉而終言歲月速也僧徒聞其無

人榱衰榱毀而莫構可為長太息矣善曰周易曰闕其戶聞其無人高誘

淮南子注曰榱榱也榱棟也賈誼曰可為長太息者此也銑曰榱棟也構起也惟齊繼五帝

洪名紐三王絕業善曰蕭子顯齊書曰高帝太子諱道成字紹伯蕭何二十四世孫受宋禪

史記曰惟漢繼五帝末流接三代絕業封禪書曰前聖所以永保鴻名濟曰洪大也紐猶綴也祖武

宗文之德昭升嚴配善曰禮記曰周人祖文王而宗武王尚書曰丕顯文武昭升于上孝

經曰嚴父莫大於配天良曰言祖製武王尊嚴其父文王以之配天而昭明升舉此道而復行之格天

光表之功弘啓興復善曰尚書曰成湯時則有若伊尹格于皇天又曰光被四表格于上

下毛詩曰建爾元子俾侯于魯大啓爾宇為周室輔東
觀漢記博士議曰除殘去賊興復祖宗向曰格至光

充表外弘大啓開也言宋聖德上至于天是以維新舊
傍開西外又大開惠澤興復頽壞之理也

物康濟多難善曰毛詩曰周雖舊邦其命維新左氏傳
伍員曰不失舊物尚書曰康濟小民禮記

晉太子申生使人辭於狐突曰君老矣國家多難翰
曰帝命維新而萬物不改故云舊物也安其下人濟其

多難為君之道也康安也步中雅頌驟合韶善曰禮記曰步中武
象驟中韶濩所以養

耳鄭玄曰韶舜樂濩湯樂也向曰韶舜樂濩炎區九
湯樂言國家作規矩中於雅頌而合其正樂也

譯沙場一候善曰十洲記曰炎洲南海中萬二千里韓
詩外傳曰成王之時越裳氏重九譯而獻

白雉於周公尚書曰西被于流沙解嘲曰東南一尉西
北一候銑曰炎區南方之蠻九重譯語而來朝天子

也沙場亦邊方也一候者以伺候
非常之事也一候者言少邊患也
粵在於建武焉善曰蕭子

顯齊書曰明帝改元為建武
良曰粵辭也建武齊帝年號也
乃詔西中郎將郢州刺

史江夏王觀政藩維樹風江漢
善曰蕭子顯齊書曰江夏王寶玄字智深明帝

第三子也封江夏郡王仍為持節都督郢司二州諸軍
事西中郎將郢州刺史尚書曰以爾友邦冢君觀政于

商又曰彰善瘁惡樹之風聲
帝子也藩諸侯也維隅也言使觀政作藩衛彼一隅也

江漢即郢州也
擇方城之令典酌龜蒙之故實
善曰方城謂楚龜蒙謂魯左氏

傳屈完曰楚國方城以為城又隨武子曰為放為宰擇
楚國之令典毛詩曰奄有龜蒙遂荒大東國語樊穆仲

曰魯侯孝王曰何以知之對曰賦事行刑而咨於政實
也銑曰方城楚也龜蒙魯也為教為宰擇楚國之令

典魯侯賦事行刑必問遺訓而咨於政肅刑清於是乎
故實言江夏王為郢州亦有此事也

在寧遠將軍長史江夏內史行事彭城劉府君諱暄

善曰

孝經曰其教不肅而成周易曰聖人以順動則刑罰清
左氏傳先軫曰取威定霸於是乎在蕭子顯齊書曰劉
暄字士穆為江夏王郢州行事者謂王年幼內史代之
以行州府事故稱行事也翰曰暄為江夏內史為王

幼內史代行刑

智刃所遊

五臣本作由

日新月故

善曰莊子曰庖丁為

文惠君解牛曰今臣之刀十九年矣所解千牛而刀刃
若新發於硎彼節者有間而刀刃者無厚以無厚入有
間恢恢乎其於游刃必有多餘地矣論語子夏曰日知其
所亡月無忘其所能也向曰明智之理斷割之道如
刀刃之利善政來者為道勝之韻虛往實歸善曰瑞應
日新去而過者為月故

道勝之韻虛往實歸

善曰瑞應
日新去而過者為月故

二弟問迦葉曰今乃捨梵志道學沙門法豈獨大其道勝乎迦葉荅曰言佛道最勝莊子曰常季問於仲尼曰王骀兀者也與夫子中分魯立不教坐不議虛而往實而歸 銑曰虛心求物物得道既勝實自歸之 以

此寺業廢於已安功墜於幾衣立慨深覆簣悲同棄井

善曰論語曰譬如為山雖覆一簣進吾往也孟子曰有為者譬如掘井掘井九仞而不及泉猶為棄井也 翰曰

慨恨也簣土籠也有以籠盛土覆而為山少一簣之土而不成山者有掘井雖深將及泉而弃者皆喻此寺廢

於已安墜於幾立也因百姓之有餘間天下之無事善曰孫卿子曰春耕夏耘

秋收冬藏四者不失時故五穀不絕而百姓有餘食斬伐養長不失時故山林不童而百姓有餘材西都賦序

曰海內清平朝廷無庀耳徒揆日各有司存善曰左氏傳宋災使

華閼討右官官庀其司杜預注曰庀具也匹婢切毛詩曰揆之以日作于楚室論語曾子曰遷豆之事則有司

存銑曰庀具於是民以悅來工以心競善曰周易曰悅以使民民

忘其勞莊子曰舜之治天下使民心競王巨丘被陵因

隱晉書荀勗議曰君子心競而不力爭巨丘被陵因

高就遠起高樓故曰就遠也層軒延袤上出雲霓

楚辭曰高堂邃宇檻層軒王逸曰軒樓板也聖主得賢臣頌曰雖崇臺五層延袤百丈說文曰南北曰袤東西

曰廣司馬紹贈山濤詩曰上陵青雲霓飛閣逶迤下臨

無地善曰西都賦曰脩除飛閣楚辭曰載雲旗兮逶迤

而無地上寥廓而無天銑曰逶迤夕露為珠網朝霞

相連屬貌言閣高下臨見地若無也

為丹雘

濟曰夕露朝霞不假於物任自然也珠網以珠為網施於殿屋者丹雘以赤飾殿也

九衢

之草千計四照之花萬品

善曰山海經曰少室之山其上有木焉名曰帝休葉茂狀

如楊其枝五衢黃花黑實服者不怒郭璞曰言樹枝交錯相重五出有象衢路也故離騷云靡華九衢仲長子

昌言曰百夫之豪州以千計山海經曰南山之首山曰鵲山有木焉其狀如穀而黑其華四照其名曰迷穀佩

之不迷郭璞曰言有光矣若木華赤其光照下地亦此類也仲長子昌言曰以一人之好惡裁萬品之不同

良曰九衢草其枝交錯相重九出也四照即若木花其光四照也千計萬品言多也崖谷共清風

泉相渙金姿寶相永藉閒安

善曰周易曰風行水上渙金光明經曰如來云身金

色微妙其明照耀如金山王又曰光明熾盛無量無邊猶如無數珠寶大聚楚辭曰像設居室靜閒安濟曰

渙亦清也金姿寶相言佛之靈象也此處可以長藉幽閒安樂之事息心了義終焉游集

善曰大灌頂經曰息心達本源是故名沙門勝鬘經曰是故世尊依於了義一向記說班固終南山賦曰仙靈

之所遊集向曰了覺也法師釋曇珍業行淳脩理懷淵遠今屈知

寺任永奉神居夫民勞事功既鏤文於鐘鼎善曰周禮曰民功曰

庸事功曰勞凡有功者銘書於王之太常國語曰昔克潞之役秦來圖敗晉功魏顆以其身却退秦師于輔氏

親止杜回其勲銘于景鐘韋昭曰景公鐘禮記曰夫鼎有銘銘者論謨其先祖之德美功烈勲勞而酌之祭器

自成其名焉向曰事功謂成也言有成言時稱伐五

代本作亦樹碑於宗廟世彌積而功宣身逾遠而名紹善曰

左氏傳曰季武子以所得齊之兵作林鍾而銘魯功焉
臧武仲謂季孫曰非禮也夫銘天子令德諸侯言時計
功大夫稱伐蔡邕銘論曰碑在宗廟兩階之間近代以
來咸銘于碑也法言曰年彌高而德彌劭者孔子之徒
與爾雅曰劭美也銑曰言鏤文樹碑則年代彌多而
功名宣布身大逾遠而其聲相紹繼而不絕積多也

敢寓言於彫篆庶髣髴乎衆妙

善曰法言曰吾子少好賦曰然童子雕蟲篆刻

老子曰玄之又玄衆妙之門翰曰寓寄也雕篆謂文
字也庶近也髣髴不分明貌言我敢寄言於文字者近
亦不明乎其辭曰衆妙之門

質判玄黃氣分清濁

善曰周易曰玄黃天地之雜也天

濁重者下為地向
曰天地初分之時也

涉器千名含靈萬族

善曰周易曰

之器謂品物也南都賦曰百品千名春秋元命苞曰
蚊行喙息蠕動蛸蜚根生浮著含靈盛壯陸機覽賦曰

摠美惡而融融播萬族
乎一區
銑曰器物也
淳源上派澆風下黷
善曰莊子
曰德又下

衰及唐虞澡溥散朴淮南子以澡為澆音義同說文曰
派水別流也字林曰黷特垢也杜木切
濟曰溥和之

源自上流派而澆薄之
風垢濁於下黷垢濁也
愛流為海情塵為岳
善曰瑞應
經曰感傷

世間沒於愛欲之海百法論曰情塵之意合故知生也
言人皆沈於愛河則妻子財帛也言積之多如海情塵

之積為岳為善日積亦見多為惡日積亦多也
曰愛欲至多若流水成海情想漸積若塵飛為岳
向皇

矣能仁撫期命世
善曰毛詩曰皇矣上帝臨下有赫天
竺言釋迦牟尼此言能仁不退轉法

經陀方菩薩曰能仁如來興此三道之教法華經曰我
釋迦牟尼劉蚪曰能仁哀此忍土俯來拯拔故曰能仁

瑞應經曰期運之至當下作佛孟子曰五百年必有王者興其間必有名世者廣雅曰命名也翰曰皇大也

撫期謂千年期也言佛之大道能為仁聖撫應千年之期而命跡於世也乃瞻中土聿來迦

衛善曰毛詩曰乃瞻西顧又曰聿來胥宇瑞應經曰菩薩下當世作佛託生天竺迦維羅衛衛國父王名曰靜

夫人曰妙迦維羅衛者天地之中央良曰言佛之將見於世乃瞻顧中土聿來生迦衛之國也迦衛之國在

天地之中故言奄有大千遂荒三界善曰毛詩曰奄有

中土聿疾也華經曰其佛以恒河沙等三千大千世界為一佛土又

曰如來以智慧方便於三界大宅接濟衆生良曰奄同荒殷鑒四門幽求六歲善曰毛詩曰殷鑒不遠瑞應

理也始出城東門天帝化作病人即迴車悲念人生俱有此

患太子出城南門天帝化作老人迴車而還愍念人生

丁壯不久太子出城西門天帝化作死人迴車而還慙
念天下有此三苦太子出城北門天帝化作沙門太子
曰善哉唯是為快即迴車還念道清淨不宜在家又曰
佛既歷深山到幽閒處菩薩即拾藁草以布地正箕坐
月食一麻一麥端坐六年向曰四門同善注後太子
居於深山不飲不食箕坐叉手閉目一心不成道終不
起端坐六年故亦既成德妙盡無為善曰勝鬘經曰唯
有幽求六歲

功德維摩經曰夫出家者為無為法瑞應經
曰吾虛心樂靜無為無欲濟曰既已也帝獻方石

天開渌池善曰瑞應經曰佛還樹下道見弃衣取欲浣
之天帝知佛意即顯那山上取四方成理澤

好石來置池邊白佛言可用浣衣又曰明日食時佛持
鉢到迦葉家受飯而還於屏處食已欲澡漱天帝知佛

意即下以手指地水出成池令佛得用名為指地池
輪曰瑞應經曰佛成道見敝衣取欲浣之天帝知佛意

即取四方成治之石置池邊白佛言可以浣水也是為
帝獻方石又云佛食訖欲澡漱天帝以手指地水出成
池令佛得用是祥河輟水寶樹低枝善曰瑞應經曰時

為天開渌池佛以自然神通斷水涌起高出人頭令底揚塵佛在其
中法華經曰諸雜寶樹華葉光茂瑞應經曰佛後日入
指地池澡浴畢欲出無所攀池上素有樹名迦和絕大
脩好其樹自然曲枝下就佛佛牽而出銑同善注

通莊九折安步三危

善曰爾雅曰六達謂之莊漢書曰王陽為益州刺史行部至邛樊九

折阪歎曰奉先人遺體奈何數乘此險漢書東方朔誠
子曰飽食安步以士易農尚書曰窳三苗于三危良
曰九折三危並山名言佛之神通不以
山為阻險皆通安步而行也莊道也

川靜波澄龍翔

雲起

善曰頭陀經曰令身調善震大法鼓摧伏異學外
道邪師入佛性海煩惱風息波浪不生周易曰雲

從龍風從虎聖人作而萬物觀
曰波澄謂心靜雲起謂其應感也

翰
者山廣運給園多

士

善曰法華經曰佛住王舍城耆闍崛山中與大比丘
衆萬二千人俱尚書曰帝德廣運金剛般若經曰佛

在舍衛國祇樹給孤獨園與大比丘衆千二百五十人
俱毛詩曰濟濟多士向曰耆山謂闍崛山給園謂給

孤獨園多士
謂衆比丘也
金粟來儀文殊戾止

善曰發迹經曰淨名
大士是往古金粟如

來尚書曰鳳皇來儀維摩經曰佛在毗邪離菴樹園內
告文殊師利汝行詣維摩詰問疾毛詩曰魯侯戾止

鉢曰金粟佛名也來儀謂見於
世文殊師利佛弟子也戾至也
應乾動寂順民終始善

春秋元命苞曰乾動川靜周易曰湯武革命應乎天順
乎人孫卿子曰生人之始也死人之終也良曰乾天

也天動而地安而佛應
之以順人性終始不已
法本不然今則無滅
善曰維摩
經曰法本

不然今則無是寂滅之義僧肇曰小乘以三界熾然故滅之以求無為大乘觀法本自不然今何以滅乃真寂

滅濟曰不然猶無形象正雖闌希夷未缺善曰曇無

也無滅謂不生不滅也也迦佛正法住世百年像法一千年末法一萬年史記曰酒闌漢書音義文穎曰闌言希也老子曰視之不見名

之曰夷聽之不聞名之曰希王弼曰無象無聲無響無所不通無所不往翰曰象正謂正法也闌微也希夷

謂無聲色也言如來正法雖微然其無微之道未缺廢也於昭有齊式善本作揚洪

烈釋網更維玄津重杻翊洩反協韻善曰毛詩曰文王在上於昭于天班固漢書述

曰爰著目錄略序洪烈揚雄解嘲曰不足以揚洪烈僧歡師十二法門序曰奏希聲於宇宙濟弱喪於玄津漢

書音義韋昭曰杻楫也音喬翊泄切叶韻向曰於歎美之辭也昭明揚舉洪大烈業也言齊有美明之德用

舉大業脩其壞法銑曰釋網玄津並佛法也杷棹也言佛法將壞而齊乃能維持使之復存又如舟之濟川

而得其惟此名區禪慧攸託善曰禪慧禪定智慧也即棹也六度之二行也良曰名

區謂置寺之所也禪靜慧智攸所倚五臣本作傍據崇巖臨

晚通壑善曰楚辭曰忽臨晚夫舊鄉說文溝池湘漢堆

阜衡霍善曰言崇巖之高通壑之大故以湘漢為溝池

漢以為池翰曰言此通川崇巖自得奇趣則以湘漢

如溝池之小衡霍如堆阜之小湘漢江也衡霍山名

臚臚武亭阜幽幽林薄善曰毛詩曰周原臚臚董荼如

築毛詩曰秩秩斯干幽幽南山鄭玄周禮注曰竹木曰

林高誘淮南子注曰深草曰薄也向曰臚臚草貌亭

準平澤也草木叢生曰薄也

媚茲邦后法流是挹

善曰毛詩曰媚茲一人銑曰媚愛

也邦后謂江夏王也法流言江夏王本此佛法而挹酌也

氣茂三明情超六入

善曰維摩

經曰佛身即法身也從六通生從三明生僧肇曰天眼宿命漏盡為三明維摩經曰六入無積眼耳鼻舌身心

已過翰曰茂盛也三明謂天眼明宿命明漏盡明言江夏王感此真氣盛也六入謂眼入色耳入聲鼻入香

舌入味身入觸意入法也言其情超越於此六者

眷言靈宇載懷興茸

善曰毛詩曰眷

言顧之楚辭曰茸之兮荷蓋王逸注曰茸蓋屋也良曰靈宇寺也茸修也

丹刻翬飛輪奐

煥離立

善曰左氏傳曰丹桓宮楹又曰刻桓宮楹杜預曰刻鏤也毛詩曰如翬斯飛君子攸躋鄭玄曰

翬者鳥之奇異者也禮記曰晉獻文子成室晉大夫發焉張老曰美哉輪焉美哉奐焉潘岳關中記曰未央殿

東有鳳凰殿春秋元命苞曰火離為鳳劉邵魏文帝誅
曰鳳凰立翥翰曰丹刻謂殿宇丹色而刻鏤之輪輪

困高大也與文章貌葦雉也
離鳳也言丹青文彩似之
象設既闢辟容已安善曰楚辭

曰象設居室靜閒安孟子曰君子仁義禮智信根於心
色粹然見於面趙岐曰辟潤澤之貌向曰象謂佛之

形象也闢開也辟容潤澤之貌言佛象
既已開設而有潤澤之容常安於此也桂深冬燠於松

踈夏寒善曰楚辭曰何所冬燠何所夏寒爾雅曰燠暖
也銑曰深謂葉密也燠暖也桂氣辛而冬暖

也神足游息靈心往還善曰瑞應經曰佛已勝幡西振

貞石南刊善曰維摩經曰降服四種魔勝幡建道場福

幡名西謂佛教來自西也振舉也
貞堅也南謂在國南也刊刻也

齊故安陸昭王碑文一首

向曰安陸郡名昭謚也

沈休文

公諱緬字景業南蘭陵

五臣本有郡字

人也

善曰蕭子顯齊書曰安陸昭王緬字景業

又曰蕭氏之先蕭何居沛至孫侍中彪居東海蘭陵縣東都鄉中都里晉分東海為東蘭陵郡中朝亂淮陰令愁過江居晉陵武進縣橋置本土加以南名於是為南蘭陵人 翰曰晉分東海郡為東蘭陵蘭陵為南也

稷契身佐唐虞有大功於天地商武姬文所以膺圖受

錄

善曰王命論曰暨于稷契咸佐唐虞光濟四海奕世載德至於湯武而有天下國語史伯曰夫成天地之

大功者其子孫未嘗不章毛詩商頌曰武王載旆毛萇曰武王湯也春秋命厯序曰五德之運同徵符合膺錄

次相代尚書璵璣鈐孔子曰五帝出受錄圖向曰稷
后稷也周之始祖有至德佐堯故周文王為天子也契
殷之始祖有至德佐舜故成湯起為天子將興之符應
子商武湯也圖錄並天子將興之符應
蕭曹扶翼漢祖

滅秦項以寧亂魏氏時乘
五臣本作乘時
於前皇齊握符於後

善曰國語太子晉曰自后稷以來寧亂及文武成康僅
克安民周易曰時乘六龍以御天考經鉤命決曰帝受
命握符出也銑曰蕭何曹參有大功於漢垂仁德於
下故魏主乘天時而為天子齊帝又握天符而為人主
魏曹參後也
靈源與積石爭流神基與極天比峻
善曰尚書

曰導河積石至于龍門毛詩曰崧高惟岳峻極于天
良曰靈源神基謂蕭何之祚也言其祚長如河之流高如
山岳極至于天以此其峻也積石山也
言河水流於積石山下因言積石流也
祖宣皇帝雄材

盛烈名蓋當時

善曰蕭子顯齊書曰太祖皇考諱承之字嗣伯少有大志才力過人為冠軍將

軍太祖即位追尊曰宣皇帝班固漢書贊曰武帝雄才大略晉中興書曰諸葛誕名蓋海內又曰鄧遐氣蓋當

時之祖也高帝即位追尊也

考景皇帝含道居貞卷懷前

代善曰蕭子顯齊書曰高帝即位追封兄道生為始安貞王明帝即位追尊始安貞王為景皇帝周易曰居

貞之吉順以從上也論語識曰仲尼居鄉黨卷懷道美宋均曰懷藏也濟曰考父貞正也言含道居正可卷

懷前代公含辰象之秀德體河岳之上靈

善曰周易曰在天成象王

弼曰象謂日月星辰孝經援神契曰五嶽之精雄聖四瀆之精仁明向曰謂緬也辰象日月星也河岳之精

靈雄聖而仁明故體此而生者也

氣蘊粉風雲身負日月

善曰論衡曰谷子雲唐子

萬章奏百上筆有餘力然則賢者有風雲之智故吐文
萬牒莊子曰孔子圍於陳蔡之間太公往弔之曰子其
意者脩身以明汗昭昭若揭日月而行司馬彪曰揭
曰揭擲也翰曰蘊積也身負日月言其明也立行五

本作

可模

五臣本

置言成範英華外發清明內昭

五臣

照善曰仲長子昌言曰規矩可模者師傳之德也曹
植學官頌曰言為世範行為時矩禮記曰和順積中而

英華外發又曰

清明在躬氣志如神
曰範法也銑曰外謂貌也內謂心也

天經地義之

德因心必盡

善曰孝經曰夫孝天之
也毛詩曰因心則友

經地之義民之行
翰曰此言行孝道

也孝者因

簡久遠大之方率由斯至

善曰周易曰乾以
易知坤以簡能易

則易知簡則易從易知則有親易從則有功有親則可
久有功則可大可久則賢人之德可大則賢人之業毛

詩曰率由舊章良曰言有可大之道自用
於此而能盡至其理也方道率自由用也
挹其源者

游泳而莫測懷其道者日用而不知
善曰毛詩曰泳之
游之周易曰百姓

日用而不知
濟曰言挹酌其道德之源者游泳其淺
深不可測也潛行於水曰泳也
向曰懷歸也日用而

不知者言歸其道者其人遷
善由日用其道而不知之
昭昭若三辰之麗于天滔

滔猶四瀆之紀于地
善曰傳子曰二漢之臣爛如三辰
之附長天又曰道教者昭昭然猶

日月麗乎天春秋漢含華曰九卿法河海
滔江漢南國之紀
銑曰三辰日月星也四瀆江河淮

濟也六幽允洽一德無爽
善曰典引曰神靈日照光被六
幽尚書曰德惟一動罔不吉

翰曰六幽天地四方也允信洽合
也一德謂法令畫一也爽差也
萬物仰之而彌高千

里不言而斯應

善曰論語顏回曰仰之彌高周易默而成之不言而信存乎德行又子曰君子

居其室出其言善則千里之外應之況其邇者乎向曰言歸其德而自來此應蓋不言而治若夫彈

冠出仕之日登庸莅事之年

善曰漢書曰王陽與貢禹為友世稱王陽在位貢禹

彈冠言其取舍同也尚書帝曰時咨若時登庸又曰蒞事惟能銑曰庸用也蒞臨也

軍麾命服

之序監督方部之數斯固國史之所詳今可得而

善本無而

字略也

善曰周禮曰建大麾以田然麾旌旗之名州將之所執也命服爵命之服也方部四方州部也

漢書武帝南置交趾北置朔方之州凡十三部置刺史數謂等差也賈逵國語注曰略簡也良曰軍麾以毛

為之以指麾也命謂天子之命也言天子命之以受其戎旅之服序次序也監督謂監督軍事也方部謂官方

部統也數術也 濟曰言國史 水德方衰天命未改 善

具述其事此文可略而不言也 水德謂宋也左傳王孫滿曰今周德雖衰天命未改 翰曰未改謂宋祚未終 太祖龍躍俟時

作鎮淮泗 善曰蕭子顯齊書曰宋明帝以淮南孤弱以

時舍也或躍在淵自試也孫卿子曰君子博學深謀脩身端行以俟其時潘岳金谷會詩曰遂擁朱旄作鎮淮

泗 向曰太祖高皇帝龍躍喻升為天子也俟待也宋明帝以太祖為冠軍將軍鎮淮陰也淮泗二水名也

如仁夕惕之志中夜九迴 善曰論語子曰桓公九合諸

其仁如其仁周易曰君子夕惕若厲司馬遷書曰腸一

日而九迴 銑曰如仁謂有仁和之心思濟世亂夕驚

不安之志至於中夜

九迴思慮也惕驚也

龕堪

世拯亂之情獨用懷抱

善曰廣雅

文選

王

曰龕取也枯耽切
向曰龕勝也

深圖密慮衆莫能窺公陪奉朝夕從

容左右

善曰漢書劉向上疏曰知不可不深濟曰言緬陪奉太祖左右

蓋同王子

洛濱之歲實惟辟疆內侍之年

善曰周書晉平公使叔譽於周見太子與之言

五稱而三窮歸告公曰太子晉行年十五而臣不能與

吉列仙傳曰王子喬者周靈王太子晉也好吹笙作鳳

鳴遊伊雒之間漢書留侯子張辟疆為侍中年十五

向曰王子晉初遊洛濱年十五張辟疆為侍中年十五

言安陸之見委起予聖懷發言中旨

善曰晉中興書王敦上疏曰導動靜

任同此年也

顧問起始以文學遊梁俄而入掌綸誥

善曰蕭子顯齊書曰緬為宋劭

予聖懷

陵王文學中書郎游梁謂相如也漢書曰梁孝王來朝

從游說之士相如見而說之客游梁禮記曰王言如絲

其出如綸 翰曰漢梁孝王好文學之士司馬相如枚
乘之徒游王門焉言王初為宋劭陵王文學如游於梁

王門也入掌綸 綸謂為中書郎也 綸
誥謂天子制勅之言使其掌之也 蘭桂有芬清暉自

遠 善曰魏都賦曰信陵之名若蘭芬也楚辭曰椒桂惟
以顛覆王逸注曰言已見先賢若椒桂之人劉琨勸

進表曰茂勲格于皇天清暉光于四海 銑曰芬香
也言其德如蘭桂之有香也又清明光暉其心自遠 帝

出于震日衣青光 善曰言齊之興也周易曰帝出乎震
震東方春秋元命苞孔子曰扶桑者

日所出房所立其耀盛蒼神用事精感姜原卦得震震
者動而光故知周蒼代殷者為姬昌人形龍顏長大精

翼日衣青光宋衷曰為日精所羽翼故以為名木神以
其方色衣之 良曰震東方木也言齊為木德將登帝

位故云帝出于震日比君也 方軌茅社俾侯安陸 善曰
衣青光者亦取其木色也

顯齊書曰齊受禪緬封安陸侯漢書曰江夏郡有安陸
縣尚書緯曰天子社東方青南方赤西方白北方黑上
冒以黃土將封諸侯各取方土苴以白茅以為社毛詩
曰俾侯于魯向曰太祖既即位乃封緬為王方軌猶
並跡也言與古者諸侯並跡而封土
受瑞析珪遂荒雲

野

善曰周禮曰典瑞掌玉瑞鄭玄曰人執曰瑞瑞猶符
信也揚子雲解嘲曰析人之珪僭人之爵遂荒已見

上文雲野雲夢之野濟曰瑞猶福也析分也珪諸侯
所執猶符信然與天子各執一故云分荒理也雲野即

雲夢澤屬安

式掌儲命帝難其人

善曰漢書疏廣曰太
子國儲副君也尚書

禹曰惟帝其難之孔安國曰言堯帝亦以知人為難
翰曰式用也緬時入為太子中庶子故云用掌儲命也
儲謂儲君太子也帝難其人
公以宗室羽儀允膺嘉選

謂帝重之如此人難有也

善曰蕭子顯齊書曰緬轉太子中庶子周易曰鴻漸于陸其羽可用為儀向曰允信也膺當也

協隆

三善仰敷四德

善曰晉中興書烈宗詔曰桓冲協隆治道禮記曰行一物而三善皆得者唯世

子而已其齒於學之謂也故世子齒於學其一曰而衆知父子之道矣其二曰而衆知君臣之義矣其三曰而衆知長幼之節矣周易曰君子體仁足以長人嘉會足以合禮利物足以和義貞固足以幹事君子行此四德者故曰乾元亨利貞 銑曰協合隆盛敷布也三善謂事君事父事長也四德謂元亨利貞言君子行此四德以布於天下也

博望之苑載暉龍樓之門以峻

善曰漢書曰武帝戾太子及冠

就宮上為立博望苑使通賓客從其所好故多異端進者漢書成紀曰上嘗召太子出龍樓門良曰漢武帝為戾太子置博望苑使通賓客從其所好言緬贊助太子是博望苑之載有光暉也龍樓太子門也峻高也

獻替帷宸實掌喉脣

善曰國語史黜謂趙簡子曰夫事君者諫過而賞善薦可而替否獻

能而進賢帷宸帝座也禮記曰天子負斧宸孔融張儉碑曰聖皇克亮命作喉脣濟曰言緬侍太子獻其事

可者廢其事不可者掌於帷幄宸牖之間匡諫不已喉脣謂出納言辭也宸戶牖間也替廢也奉待漏

之書銜如絲之旨

善曰東觀漢記曰樊梵字文高每當直事常晨駐車待漏禮記曰王言如

絲其出如綸銜謂宣太子之言出於外也禮云王言如絲也旨意也

前暉後光非止恒授

善本本作受善曰周書孔子曰文王得四臣丘亦得四友自吾得師也

前有光後有暉是非先後邪向曰言前後所任皆有光暉非止與恒常百官所授同也公以密戚

上賢俄而奉職

善曰蕭子顯齊書曰緬遷侍中越絕書曰吳王名闔閭始得子胥以為上賢無

異乎聖人也銑曰出納惟允劔璽增華善曰尚書帝

欲遷為天子之近職納言夙夜出納朕命惟允應劭漢官儀曰侍中殿上稱

制出則陪乘佩璽抱劔增華謂自庶子而益其榮華也良曰遷侍中出納天子之言也允信也侍中出伊昔

則陪乘佩璽抱劔增華謂自庶子而益其榮華也善曰漢書劉向

帝唐九官咸事熊豹臨戲善納言是司善曰漢書劉向

官濟濟相讓應劭曰尚書曰禹作司空弃后稷契司徒各錄作士師垂共工益朕虞伯夷秩宗夔典樂龍納言

凡九官左氏傳曰昔高陽氏有才子八人樽戲大臨高辛氏有才子八人仲熊叔豹濟曰伊惟也帝唐堯也

九官同善注自此迄今其任無爽爰自近侍式贊權衡善曰

顯齊書曰世祖即位緬遷五兵尚書淮南子曰準繩連體權衡合德百工錄焉以定法式輔弼執玉以翼天子

也翰曰自此謂自九官熊豹臨貳迄今謂至齊也其任謂上九官等諸任職也爽差也式用也贊助也權衡

謂政理也而皇情眷眷慮深求瘼善曰毛詩曰皇矣上帝臨下有赫鑒觀四方求民之

莫班固漢書引詩而為此瘼爾雅曰瘼病也向曰瘼病也言求下人所病者將為除之謂欲使緬為吳郡太守

也姑蘇奧壤任切關河善曰奧壤猶奧區也韓康伯王述碑曰述遷會稽太守淮海維

揚皇基所託此蓋關河之重決決大邦銑曰姑蘇地名切重也都會殷負五臣本作阜提

封百萬善曰史記曰夫吳有海鹽之饒章山之銅三江五湖之利亦江東一都會也西京賦曰百物殷

阜薛琮注曰殷盛阜大也今為此負漢書曰天子畿方千里提封百萬井臣瓚案舊說云提最凡言大舉頃畝

也李奇曰提舉也舉四方為內也韋昭曰積土為封良曰都會謂人皆都會於此郡也殷大阜盛也提封謂

地之頃畝都稱也百萬言多也

全趙之衺服叢臺方此為劣

善曰鄒陽漢書曰夫

全趙之時武力髡士衺服叢臺之下者一旦成市也

濟曰全趙謂趙國也衺服謂美人服也叢臺趙王臺名

也言趙雖盛比之臨淄之揮汗成雨曾何足稱

善曰戰國策蘇

吳郡且為劣也

秦說齊宣王曰臨淄之塗人肩相摩舉袂成幕揮汗成雨高誘曰揮振也

兩比之吳都亦何足稱盛也

乃鴻鴈舊吳作守東楚

善曰蕭子顯齊書曰緬出為吳

郡太守吳質魏都賦曰我太祖鴻飛兗豫劉琨勸進表曰奄有舊吳牽秀祖孫楚詩曰受茲明命作守西疆漢

書音義孟康曰舊名吳為東楚也

向曰弘義讓以勗

君子振平惠以字小人撫同

五臣本作用

上德綏用中典

善曰

論語識曰伯夷齊義讓龍舉干寶晉紀曰丁固父覽以義讓稱尚書武王曰勗哉夫子周書成王曰朕不知

字民之道敬問伯父尚書王曰無或敢伏小人之攸箴老子曰上德不德是以有德鍾會曰體神妙以存化者

上德也周禮曰刑平國用疑獄得情而弗喜善曰漢書中典銑曰綏安典法也

倪寬為獄讞掾以古法義決疑獄論語曾子曰上失其道民散久矣如得其情則哀矜而勿喜良曰哀其有

罪宿訟兩讓而同歸善曰東觀漢記曰魯恭為中年令宿訟許伯等爭陂澤田積年州郡

不決恭平理曲直各退自相責讓濟曰雖春申之大宿有爭訟不決者皆沐緇化兩讓而歸也

啓封疆鄧攸之緝熙氓庶不能尚也善曰史記曰楚考烈王立以黃歇為

相號春申君請封於江東王許之因滅吳故墟以自為都也國語史伯謂鄭桓公曰加之以德可以大啓王隱

晉書曰鄧攸字伯道為吳郡太守吳人餓死攸到表振貸臺不時聽攸乃輒出倉米一斛蒙濟不受祿俸唯飲

吳水毛詩曰緝熙文王之典翰曰春申君黃歇封江東十二縣鄧攸為吳郡守吳人餓乃發倉賑貸不取俸

祿唯飲吳水一郡皆濟也封疆夏首藩要任重推轂善界也緝和熙養也氓庶百姓也

楚辭曰過夏首而西浮王逸注曰夏首水口也漢書馮唐曰臣聞上古王者遣將也跪而推轂曰閫以內寡人

制之閫以外將軍制之向曰夏首水口名也言此處為國家藩援之要也謂將出為荊州牧也古之遣將者

天子皆親為推車轂送之鎮荊州并有軍故也衿帶中流地殷江漢善曰李尤

曰函谷險要衿帶咽喉尚書曰九江孔殷銑曰殷南正也言荊州以江流為之衿帶其地正當江之阻也

接衡巫風雲之路千里善曰衡巫二山名吳郡賦曰徑路絕風雲通良曰衡巫二山

名西通鄴憂鄧水陸之塗三七

善曰左氏傳曰鄧南鄴人杜預曰鄴今鄧鄉縣

南江水之北也鄧今潁川邵陵縣西南有鄧城蜀都賦曰水陸所湊濟曰鄴鄧邑名三七謂二千一百里

是惟形勝閫外莫先

善曰漢書田肯曰秦形勝之國也史記馮唐曰上古王者遣將也閫

以內寡人制之閫以外將軍制之鄭玄禮記注曰閫門限也苦本切翰曰閫門限也邦畿之內如門限之內

邦畿之外如門限之外也莫先者天下無先也

建麾作牧明德攸在

善曰蕭子顯齊書曰

緬轉郢州刺史周禮曰建大麾以封藩國又曰八命作牧尚書注曰文王克明德慎罰向曰麾旗類也以毛

為乃暴以秋陽威以夏日

善曰孟子曰江漢以濯之秋陽以暴之綦母邃曰周之秋

於夏為盛陽也左氏傳曰鄧舒問於賈季曰趙衰趙盾孰賢對曰趙衰冬之日趙盾夏之日杜預曰夏日可畏

銑曰暴曬陽日也言思育下人如秋日之和人曬其
光愛其溫也其咸明又如夏日之盛人皆畏其猛也

澤無不漸

子

蟻蟻之穴

靡遺

善曰西征賦曰澤靡不漸
思無不逮尸子曰奔之行

其猶河海乎千仞之漢亦滿之蟻蟻
之穴亦滿之良曰漸入靡無也

明無不察容光之

微必照

善曰孟子曰日月有明容光必照焉趙岐曰容
光小隙也言大明照幽微濟曰容光小隙

由近而被遠自己而及物

善曰史記曰卑陶曰邇可遠
在茲鄭玄曰此政由近可以

及遠

翰曰其政令以近及
遠先行於已而及於人也

惠與八風俱翔德與五材

並運

善曰聖主得賢臣頌曰恩從祥風翔淮南子曰天
有八風典引曰仁風翔于海表左氏傳子罕曰天

生五材民並用之廢一不可
八方風也五材水火金木土也
向曰八風
運行之也

遠無不懷邇

無不肅

善曰阮嗣宗勸晉王牋曰遠無不服邇無不肅

邑居不聞夜吠之犬牧

人不覩晨飲之羊

善曰司馬彪續漢書曰劉寵字榮祖遷會稽太守徵入為將作大匠山陰

縣民去郡數十里有若耶山中有五六老公年皆七八十聞寵遷相率共送寵人齎百錢寵見勞來曰父老何乃自苦遠來皆對曰山谷鄙老生未嘗到郡縣佗時吏徵發不去民間或夜不絕狗吠竟夕民不得安自明府下車以來狗不夜吠吏希至民間年老遺值聖化聞當棄去故戮力來送寵謝之為選受一大錢故寵在會稽號為一錢其清如是家語曰孔子為大司寇初魯之販羊者沈猶氏常朝飲其羊以詐市人及孔子之為政也則沈猶氏不敢朝飲其羊也五臣注同

譽表六條功最萬里

善曰漢書音義曰舊刺史

所察有六條察民疾苦冤夫職者察墨綬長吏以上居官政狀察盜賊為民之害及大姦猾者察犯田律四時

禁者察民有孝悌廉絜行脩正茂才異等者察吏不薄入錢穀放散者所察不得過此漢書曰倪寬為郎內史課殿當免民恐失之輸租繼屬不絕課更以最揚雄為益州刺史作節度曰刺史居深門之中總萬里之統者也良曰同善注功

還居近侍兼饗戎秩

善曰蕭子顯齊書曰緬還

為侍中領驍騎將軍

濟曰謂入為侍中

候府寄隆儲

端任顯

善曰魏略曰中領軍延康置故漢北軍中候之官也漢書曰詹事秦官掌皇太子家

府宿衛之官也儲端任顯謂緬為太子詹事也

東西兩晉茲選特難

向曰謂此官晉朝選

人任之特難也

羊琇願言而匪獲謝琰功高而後至

善曰晉諸公讚曰羊

琇字稚舒泰山人通濟才術與世祖同年相善謂世祖曰後富貴時見用作領護軍太子詹事世祖即位累遷

左將軍中護軍特進何法盛晉中興書陳郡謝錄曰琰字瑗度安少子也為輔國將軍距氐進號征虜左僕射領詹事銑曰晉羊琇少與武帝同年相愛嘗謂武帝曰若得天下用我為領護軍太子詹事武帝戲許之後武帝即位琇但為左衛將軍不得詹事故云願言匪獲也又謝琰征羌有功為輔國將軍領太子詹事故云後至升降二宮五臣本作君令績斯俟善曰蕭子顯齊書曰緬遷中領軍太子詹事

良曰言其政善之功可待成於此時也令善績功斯此俟待也禁旅尊嚴主器彌固善曰

蔡邕袁逢碑曰乃撫京邑總齊禁旅周易曰主器者莫若長子濟曰旅兵也尊謂天子之命嚴謂整守其所

職也主器謂太子也緬為詹事以禹穴神準地埒分陝

奉太子而勤誠益固矣彌益也善曰漢書曰司馬遷南游江淮上會稽採禹穴西京賦曰實惟地之奧區神準袁煥與曹植書曰召公與周公

受分陝之任也

翰曰此緬出為會稽太守也禹穴會

稽山有孔穴人傳禹入此穴中舉地也其地肥沃故云

神準分陝謂陝以東周公主之陝以西召公主之今緬

為會稽太守其地亦可與分陝之事相校埒其美也陝

地名

江左以來常遞斯任

善曰謂天子都江左以來遞求此任也

東渚鉅

五臣本

作巨

海南望秦稽

善曰子虛賦曰齊東渚鉅海南有瑯邪孔準會稽記曰秦望山在州

城正南史記曰始皇登之望南海越絕書曰禹救水

到大越上茅山大會計吏更名茅山曰會稽銑曰巨

大也言會稽東渚有大海也

秦望山會稽山二山之名

淵藪胥萃藿

桓

蒲攸在善

尚書曰今商王受為天下逋逃主萃淵藪左氏傳曰太

叔為政不忍猛而寬鄭國多盜取人於藿蒲之澤良

曰言會稽郡舊多盜賊淵藪大林也胥相萃聚也昔者

鄭國多盜取人藿蒲之澤也藿蒲草也攸所也言會稽

文選

三

三

有盜亦如在
於菴蒲也

貨殖之民千金比屋

五臣本作室
漢書曰千乘之國必

善曰

有千金之貨者利有所并也
濟曰言家家皆有千金之貨也

郭壑之內雲屋萬家

善曰

徐幹陳情詩曰踟躕雲屋下嘯歌倚華楹屋或為
竟翰曰郭壑猶郭邑也雲屋謂高樓上及雲也

刑政

繁舛舊難詳一

向曰言此郡多奸盜皆豪富雖刑政繁
倍於常而舊土所然難以詳正使其一

也
南山羣盜未足云多

善曰漢書曰王遵為高陵令會
南山羣盜備宗數百人為吏民

害於是王鳳薦遵徵為諫議大夫守京兆都尉行京兆

尹事旬月間盜賊肅清蘇林曰備音朋銑曰漢王遵

治京兆功效日著往者南山盜賊阻山橫行剽劫良人
遵為治二旬之間賊亂盡除言南山之盜比會稽未足

云多
渤海亂繩方斯易理

善曰漢書曰上以契遂為渤
海太守問曰渤海廢亂朕甚

憂之卿欲何以息其盜賊遂曰臣聞治亂民猶治亂繩不可急也唯緩之然後可理臣願一切以便宜從事上許焉良曰漢宣帝時渤海郡歲饑盜賊並起帝問龔遂曰何以息之遂曰臣聞理亂人猶理亂繩不可急也唯緩之然

公下車敷化風動神行善曰蕭子顯齊書曰後魏理也

書曰班伯為定襄太守其下車作威吏民悚息謝承後漢書曰陰修敷化二郡咸教克平太玄經曰風動雷興謝承後漢書曰威令神行征艾朔土濟曰下

誠恕既車初至也敷布也風動神行言化無所不至也

孚鈎距靡用善曰杜預左氏傳注曰孚大信也漢書曰趙廣漢守京兆尹廣漢善為鈎距以得事

情鈎距者欲知馬價則先問狗已問羊又問牛然後及馬參伍其價以類相推則知馬之賤貴不失實矣晉灼曰鈎致也距閉也設欲知馬價先問狗又問羊然後及馬使對者無疑以知馬價示若不問而自知以閉其術

為距也

翰曰趙廣漢為京兆尹尤善鉤距以得事情

也乎信鉤置距閉靡無也言致其刑罰以閉奸路而緬

為會稽誠心恕物為不待赭汙之權而奸渠必翦善曰

人明信則鉤距無用尚書

曰穢厥渠魁孔安國曰渠大也向曰漢宣帝時長安

市偷盜尤多百賈苦之乃使張敞為京兆尹敞問長安

父老偷盜曾長數人敞赦其罪令捕諸賊以自贖其偷

長曰今忽召諸府恐諸賊驚駭願受一署敞乃以偷長

為吏遣歸假置酒其餘賊悉來賀飲酒偷長以賴色汙

其衣吏乃坐里門出有賴色汙衣者收縛之得百人皆

罪之由是清治也言緬為政不無假里五臣本作黑端之藉

待此詐而奸惡之長必見誅翦

而惡子咸誅善曰歌錄曰鴈門太守行曰外行猛政內

懷慈仁文武備具課民不貧移惡子姓偏

著里端銑曰同善注此云黑者蓋後人書寫之誤里

端謂以法令著於里閭也藉用也惡子賊也言緬之有

德不假致法令於被以哀矜孚以信順善曰曾子曰上里端賊皆已誅也

矣如得其情則哀矜而勿喜良曰孚敬也南陽葦杖未足五臣本作或比其仁

善曰范曄後漢書曰劉寬字文饒弘農人也遷南陽太守吏民有過但用蒲鞭罰之示辱而已然終不如苦韓

詩外傳孔子曰水之精為土老蒲為葦願無怪之曹植對酒歌曰蒲鞭葦杖示有刑濟曰韓詩外傳云老蒲

為葦也葦杖即蒲鞭也後漢劉寬為南陽太守吏人有過以蒲鞭撻之示辱而已言此蒲鞭未可比緬之仁政

也賴川時雨無以豐其澤善曰趙岐三輔決錄曰茂陵郭伋為潁川化如時雨摯虞

曰伋字細侯光武拜潁川太守翰曰郭伋為潁川即守德如時雨下人利之言緬之為政雖潁川之惠無以

豐公攬轡升車牧州五臣本作川典郡善曰范曄後漢書曰范滂為詔使登車攬

磨有澄清天下之志蔡邕橋善曰感達民祇非待期月論語

子曰苟有用我者暮月而已可善曰也三年有成善曰向曰祇神也老安少懷塗歌里詠

論語子曰老者安之少者莫不歡若親戚芬若椒蘭善曰

懷之善曰孫卿子曰夫暴國之君將誰與至哉其所與至必其民也而其民之親我若父母其好我芬若椒蘭漢書刑法

志曰鄰國望我懼若親戚芬若椒蘭也善曰旣曰若如也人好其德音如椒蘭也善曰旣曰若如也人好其德音如椒蘭也

泣攀車卧轍之戀爭塗忘遠善曰東觀漢記曰秦彭字國平為開陽城門候後拜

穎川太守老弱攀車啼號填道又曰侯霸字君房王莽善曰賊霸保守臨淮更始元年遣謁者侯盛齎璽書徵霸百

姓號呼哭泣使者或當道卧皆曰願復留霸期年善曰良曰麾旆旗之類也古者刺史行皆執物以行反謂去

官也行悲道泣謂百姓戀也 濟曰後漢第五倫為會稽太守倫將去官百姓攀車駕啼呼又侯霸為臨淮太守帝遣使徵之百姓皆遮使車或當道卧言緬之去官人有此戀皆爭道而前以請其留忘其遠路不知疲也塗道

去思一借之情愈久彌結

善曰漢書曰何武為兗州刺史徙京兆尹其所

居亦無異名去後常見思東觀漢記曰寇恂為河南太守徵入為金吾潁川盜賊羣起車駕南征恂徙到潁川盜賊悉降百姓遮道曰願從陛下復借寇君一年上乃留恂 翰曰後漢寇恂為潁川太守又拜汝南太守後潁川盜賊百姓遮天子道願陛下復借寇君一年上許之故云一借之情愈漸也

方城漢池南

顧莫重

五臣本作莫過

千里

善本無千里字善曰左氏傳屈完曰方城以為城漢水以為池

北

指峭潼平塗不過七百

善曰峭二峭也雍州圖經曰潼水華陰縣界伏滔正淮論曰壽

春北接梁宋平塗不過七百銑曰峭山名西接嶢武

潼水名也言山川險阻平道不過七百里也

關路曾不盈千善曰漢書音義應劭曰嶢山之關也李奇曰在上洛北文潁曰武關在折西王

隱晉書庾翼表曰襄陽北去河洛不盈千里良曰嶢武二關名不盈千里也蠻陬子夷徽

重山萬里善曰魏都賦曰蠻陬夷落張揖漢書注曰徽塞也以木柵水為夷狄界也魏都賦曰由重

山之東阮濟小則俘民略畜大則攻城剽四邑善曰賈逵

日取聚微居也國語注曰伐國取人曰俘漢書晁錯上兵事曰胡虜小

入則小利大入則大利攻城屠邑驅略畜產史記曰盜賊滋起大羣至數千人攻城剽邑小羣盜以百數掠國

鄉里方言曰略強取也翰曰蠻夷聚居時為人患俘

謂生得人也畜牛馬之類剽劫也晉宋迄今有切民患烽鼓相望歲時

不息

向曰鼓烽皆所以警候邊賊也

推理穿掘之黨阡陌成羣

善曰史記曰攻

剽推埋掘冢

皆為財用耳徐廣曰推殺人之或謂發冢也銑曰推埋謂劫殺人之穿掘謂發冢而

取物阡陌

傲法侮吏之人曾莫禁禦

良曰傲慢侮欺禦止也

累藩

咸受其弊歷政所不能裁

善曰賈逵國語注曰裁制也濟曰藩國也歷任為政於

此者亦不能裁制也

加以戎羯

居

窺窬伺我邊隙

善曰朱鳳晉書曰前後徙河北

諸郡縣居山間謂之羯胡劉琨勸進表曰狡寇窺窬伺

國瑕隙翰曰戎羯並夷狄名也窺窬覘也伺我邊隙

謂伺候其邊疆也此謂後魏元氏時都洛陽也

北風未起馬首便以南向塞草

未衰嚴城於焉早閉

善曰魏志臧洪答陳琳書曰秋風揚塵陌車馬首南向李陵與蘇武

書曰涼秋九月塞外草衰抱朴子鮑生曰人君恐姦豐之不虞故嚴城以備之戰國策子楚謂秦王曰臣恐邊境早閉晚開也向曰

並謂秋時備守邊疆永明八載疆場大駭善曰吳均齊春秋曰

永明八年匈奴寇胸山左氏傳沈尹戌曰吳新有疆場之駭國語曰晉師大駭揚雄集上書曰候騎至甘泉京

師大駭銑曰永明武帝年號疆場界也駭驚也言羣賊所驚亂也天子乃心北眷聽朝

不怡善曰司馬遷書曰主上食不甘味聽朝不怡良曰怡悅也揚旆漢南非公莫

可善曰蕭子顯齊書曰緬遷雍州刺史籍田賦曰九旗揚旆呂氏春秋曰漢南之國聞湯之德歸之濟曰

揚舉也旆於是驅馬原隰卷甲遄征善曰毛詩曰驅馬旌旗之屬於是驅馬原隰卷甲遄征悠悠又曰于彼原

隰孫子兵法曰卷甲趨利日夜不處威令首塗仁風載曹植詩曰指日遄征翰曰遄速也

路

善曰李尤武功歌曰恩普洽威令行首塗猶首路也謝承後漢書序曰徐淑戎車首路續晉陽秋曰謝安

賞表宏為機對辯速宏為東郡安取一扇授之聊以贈行宏應聲曰輒當奉揚仁風慰彼黎庶毛詩曰厥聲載

路向曰令號令也載行也

軌躅清晏車徒不擾

善曰漢書音義曰躅迹也銑曰軌

躅車馬迹也清晏謂道路清肅而安擾亂也

牛酒日至壺漿塞陌

善同良注良曰韓

信破趙欲北擊燕廣武君曰當今之計不如案甲休兵百里之內牛酒日至以饗士大夫也此言燕必懼而來

降獻以牛酒也昔葛伯不祀湯往征之其君子實玄黃于篚以迎其君子小人以壺漿迎其小人也言葛伯之

民喜湯來征塞陌多而滿道也謂緬行征伐而人服悅亦如此也

失義犬羊其來久矣

善曰漢書名臣奏曰太尉掾應劭等議以為鮮卑徵賦隔在漢北犬羊為羣濟曰言鮮卑如犬羊之畜

嚴切唯利是求

善曰左氏傳晉呂相告秦秦雖與晉出入秦唯利是視又曰唯好是求 翰曰

謂後魏主斂賦百姓嚴切也

首鼠疆界災蠹彌廣

善曰漢書曰蚡謂韓安國曰與長孺

共一禿翁何為首鼠兩端音義曰首鼠一前一却也說文曰蠹木蟲也以喻殘賤 向曰首鼠謂或前或後也

蠹害也

公扇以廉風孚以誠德

銑曰扇舉也孚信也言行忠信之德也

盡任

崇置水之情弘郭伋待期之信

善曰東觀漢記曰龐參字仲達拜漢陽太守郭

民任崇者有奇節參到先候之崇不與言但以齋一本水一杯置戶屏前自抱孫兒伏於戶下參思其微意良久曰崇是欲曉太守也水者欲吾清也拔大本廳欲吾擊強宗也抱兒當戶欲吾開門恤孤也於是歎息而還參在職果能抑豪助弱以惠政得民司馬彪續漢書曰郭伋拜并州牧行部西河到美稷數百小兒各騎竹馬

逢迎似問曰兒曹何自遠來對曰聞使君到喜故來迎
飯謝曰辛苦諸童諸小兒復送至郭門外問使君何日
當還似謂別駕計日告之行却還入美稷先期一日似
念負諸兒即止野亭須期乃往似重信得人心皆此類
也五臣

金如粟而弗覩馬如羊而靡入

善曰范曄後漢書曰張奐字然

明熒煌人也遷安定屬國都尉破苻韃豪帥感奐恩上
馬二十匹先零酋長又遺金鑲八枚並受之而召主簿
於諸羌前以酒酌地曰使馬如羊不以入廐金如粟不
以入懷悉以金馬還之濟注同言雖賤如羊粟亦不
用也而況於貴乎靡無也雛雉必懷豚魚不爽善曰東觀漢記曰魯恭為中牟令時郡國
螟傷稼犬牙緣界不入中牟河南尹表安聞之疑其不
實使仁恕掾肥親往察之恭隨行阡陌俱坐桑下有雉
過止其旁旁有童兒親曰何不捕之兒言雉方將雛親
曰所以來者欲察君之化迹耳蟲不犯境此一異也化

及鳥獸此二異也豎子有仁心此三異也具以狀言安周易曰信及豚魚翰曰雉雉謂後漢魯恭為中牟令

仁政所致言緬之仁政雖雉必懷其德也由是傾巢舉夾差也言其有信於豚魚亦不差失也

落望德如歸

善曰廣雅曰落謂村居也左氏傳曰衛遷邢于夷儀邢遷如歸也向曰蠻夷感其

仁惠皆傾其巢居部推直髭髭側首曰拜門闕善曰漢落望緬恩德而來也推直髭髭側首曰拜門闕書曰尉

佗魍魎箕踞淮南子曰三苗髭髭首弁服滿塗夷歌成韻銑曰推髭髭首蠻夷結髮之形

善曰尚書曰島夷卉服蜀都賦曰夷歌成章范曄後漢書曰益州刺史朱輔上疏曰白狼王唐叢等慕化歸義

作詩三章良曰蠻夷以草為服行滿於禮義既敷威道也各以其方樂為歌謠成其音韻也

刑具舉

善曰公羊傳曰既者何盡也毛萇詩傳曰具俱也濟曰數布也

疆民曠古俗

反志遷情

善曰韓詩曰獷彼淮夷許君曰獷覺寤之貌劉駒駘與李子堅書曰吏民獷比屋為賊

獷古並切

翰曰強暴之人獷惡之俗皆沐其仁化反其本志遷情歸善也

風塵不起囹圄

五臣本作圍

寂寞

善曰東觀漢記曰蔡彤為遼東太守野無風塵魏都賦曰囹圄寂寥向曰囹圄獄

也寂寞言空虛也

富商野次宿秉停菑

側眉反善曰國語叔向曰絳之富商韋菑以

過於朝范曄後漢書曰王渙字稚子廣陵人除溫令境內清夷商人露宿於道毛詩曰彼有遺秉此有滯穗又

曰于彼菑畝毛萇曰田一歲曰菑錢曰次舍也野舍言不遇盜也秉木束也菑一歲田也言將豐熟宿積禾

束停之

蜾

蝗弗起豺虎遠跡

善曰范曄後漢書曰宋均字叔平南陽人也遷

於田也九江太守郡多虎暴數為民患常設檻穽而猶多傷害均到下記屬縣可一去檻穽除削苛制其後傳言虎相

與東渡江後山陽楚沛多蝗其飛至九江東界者四散去良曰蜾蠃蟲之食苗者豺虎獸之害人者感緬仁德故不起為患

北狄懼威關塞謐靜

魏曰北狄謂魏也謐清也偵諜

不敢東窺駝馬不敢南牧

善曰偵伺也鄭玄周禮注曰課賊反間為國賊者徒煩切

范曄後漢書曰鮮卑寇遼東蔡邕擊之虜大破不敢復闕塞過秦論曰胡人不敢南下而牧馬翰曰偵問也課夷狄懼言也言夷狄恐懼相問之言不敢有東窺之意不敢南牧謂齊在南畏齊德也方欲振策

燕趙席卷秦代

善曰過秦論曰振長策而御宇內又曰有席卷天下之意向曰振舉策謀也

席卷謂取之如卷席之易陪龍駕於伊洛侍紫蓋於咸也燕趙秦代並國名也

陽

善曰楚辭曰龍駕兮帝服聊翱翔兮周章傳玄乘輿馬賦曰紫蓋漂以連翩銑曰龍駕紫蓋並天子行

也言將陪侍天子伐魏也洛陽咸陽並為魏所都也

而遘疾彌留歟焉大漸

善曰

尚書曰疾大漸惟幾病日臻既彌留良曰遘遇也耕

夫釋耒桑婦下

五臣本作不機

善曰曹植荀侯誅曰機女投杼農夫輟耕也濟曰耒耕

具言耕夫桑婦感緬之仁惠恐參請門衢並走羣望

善曰

其將薨皆釋去作具以相驚惜左氏傳曰乃大有事于羣望望謂山川所有祈祭之所也人皆並走往祈祀之以求其福望緬之疾瘳也維永明九年夏五月三十日辛酉薨春秋三

十有七城府颯然庶僚如賁

善曰颯然吹木葉落兒向曰颯然謂空而無人也

庶衆僚官也賁零落也言衆官如零落有所失也

男女老幼小臨去街衢接轡

傳聲不踰時而達于四境

善曰潘勗荀彧碑曰男女老幼里號巷哭臧榮緒晉書曰

羊祜薨於是街衢塗巷傳哭接音邑里相達 銑曰言舉國男女老幼哭臨於街衢其聲響相傳接而至于四

遠夷羣戎落幽遠必至

向曰落謂聚居部落也

望城拊膺震動郢

邑並求入奉靈櫬

楚

藩司抑而弗許

良曰櫬棺也藩司府官屬也 雖

鄧訓致劈面之哀羊公深罷市之慕對而為言遠有慙

德

善曰范曄後漢書曰鄧訓字平叔遷護烏丸校尉病卒官吏民羌胡愛惜旦夕臨者數千人戎俗父母死

恥悲泣皆騎馬歌呼至聞訓卒莫不號咷或以刀自割又刺殺其犬馬牛羊曰鄧使君已死我曹俱亦死耳尚

書曰惟有慙德 翰曰晉羊祜都督荊州卒罷市悲號追慕無已言緬之初薨有過於此二君故對而言之二

君達有神駕東還號送踰境善曰蕭子顯齊書曰緬喪還百姓緣沂水悲泣濟

曰神駕謂喪車也東還謂自荊州還江東也吏民哭送之出境也奉觴奠以望靈仰蒼

天而自訴震響成雷盈塗咽水善曰蕭子顯齊書曰百姓設祭於峴山鄭玄周

禮注曰喪所薦饋曰奠韓詩曰萬人顯顯仰天告訴周易曰震動也漢中山靖王曰聚蚊成雷江衛與荀仲茂

踐曰舉國顯顯歎慕盈塗向曰人吏申祭公臨危審

號哭滿道悲泣之聲哽咽如水之不通流也

正載貽話言善曰說文曰話會合善言也銑曰臨危謂臨終之時審正其意不至迷亂則遺於

話言楚囊之請雖善本幾而彌固善曰尚書曰疾大漸惟幾孔安國曰幾危也

殆良曰楚子囊伐吳還將死而遺言謂子庚必城郢謂必使楚作城於郢也君子謂子囊忠矣將死不忘衛

社稷幾謂危殆也謂緬忠衛魚之心身亡而意結善曰

韓詩

於國雖至危殆其情固也

外傳曰昔衛大夫史魚病且死謂其子曰我數言蘧伯

玉之賢而不能進彌子瑕不肖而不能退死不當居喪

正堂殯我於室足矣衛君問其故子以父言聞君召伯

玉而責之彌子瑕退之徙殯於正堂翰曰衛大夫史

魚言緬亦有是心雖二宮軫慟五臣遐邇同哀向曰二

身亡而意惟鬱結也作動

太子也謂常事二宮也追贈侍中五臣無衛將軍給

軫隱也言惻隱而哀慟領字

鼓吹一部謚曰昭侯時皇上納麓在辰登庸伊始善曰

皇上

明帝也尚書曰納于大麓烈風雷雨不迷孔安國曰麓

錄也堯納舜使大錄萬幾之政尚書曰若時登庸銑

曰皇上謂明帝未即位時也麓錄庸用伊惟也言明帝

納政事之辰登用惟始也謂將欲登用為天子先試用

也允副朝端兼掌屯衛

善曰蕭子顯齊書曰明帝初為右僕射加領衛尉晉中興書謝

安石上疏曰尸素朝端忽焉五載漢書曰城門校尉掌京師城門屯兵良曰允信也明帝初為右僕射加領

衛尉故云兼掌屯衛也

聞凶哀震感絕移時

濟曰移時謂良久也

因遘沈疴

繇留氣序

濟曰遘遇也繇留謂不絕於身也氣序謂經時也

世祖日夜憂懷備

盡寬譬

善曰世祖武帝城祭緒晉書賀循賤曰日夜憂懷慷慨發憤向曰寬喻其意使節去悲情也

勉膳禁哭中使相望

善曰東觀漢記曰樊修至孝母終上遣中黃門朝暮餐食吳志曰朱

然寢疾孫權夜為不寢中使醫藥口食之物相望於道銑曰勉彊也膳食也禁止也言世祖使勸明帝彊食

止哭中使相望不絕也天子私使曰中使

上雖外順皇旨內殷私痛獨居不御

酒肉坐卧泣涕霑衣

善曰毛萇詩傳曰殷憂也東觀漢記曰齊武王以諧想遇害上與衆

會飲食笑語如平常馮異侍從親近見上獨居不御酒肉坐卧枕席有泣涕處異獨入叩頭寬解上意良曰

上謂明帝也皇旨謂世祖意勸喻也濟曰御食也若此移年癯瘠改貌
善曰

曰臞瘠也與癯同渠俱切翰曰癯病瘠瘠也天倫之愛振古莫儔
善曰穀梁傳曰兄弟

天倫也何休曰弟兄先後天之倫次也毛詩曰匪今斯今振古如茲毛萇曰振自也向曰兄弟天倫之次也

昭王與明帝兄弟也振自儔匹也及俯膺天眷入纂絕業
善曰蕭子顯齊書明紀曰

太后廢海陵王以上入纂太祖爾雅曰纂繼也漢書司馬遷曰惟漢接三代絕業銑曰謂即天子位也膺當

也纂繼也言繼太分命懿親台牧並建
善曰尚書曰分命義叔左氏傳

祖之業而立也

富辰曰兄弟雖有小忿不廢懿親春秋漢舍孽曰三公在天法三能周禮曰建大廟以封藩國又曰八命作牧
良曰言明帝分命近親在於台輔及方牧之任並立
對繁弱以流涕望曲阜而

含悲

善曰左氏傳子魚曰周公相王室以尹天下於周為睦分魯公以大路大旂夏后氏之璜封父之繁

弱尚書曰魯侯伯禽宅曲阜
崩今對弓而流涕昔黃帝升仙遺其弓而羣臣對之流涕也曲阜周公所封國名也言
思昭王如望周公而含其悲
改贈司徒因謚為郡王

禮也惟公少而英明長而弘潤風標秀舉清暉映世學

偏書部特善玄言

翰曰玄言談道也

擊悅之麗篆籀

直又之則善曰

法言曰今之學者非獨為之華藻也又從而繡其擊悅
李軌曰擊帶悅巾也喻今之文字煩多非獨華藻也巾

帶皆文之如繡也漢書史籀音義曰周宣王太史作大篆向曰鞞帶也帨巾也喻禮樂衣冠之美麗也篆籀

皆古文窮六義於懷抱究八體於毫端善曰毛詩序曰詩有六義焉一

曰風二曰賦三曰比四曰興五曰雅六曰頌漢書八體六技韋昭曰一曰大篆二曰小篆三曰刻符四曰蟲書

五曰摹印六曰署書七曰殳書八曰隸銑曰詩有六義字書有八體也奕思之微秋儲

無以競巧善曰孟子曰奕秋通國之善奕者也儲謂儲蓄精思也馬融廣成頌曰儲積山藪廣思河

澤良曰博奕之事也儲謂蓄精思也奕秋天下之善奕也言王之奕思雖奕秋之儲思無以競其巧妙也

取睽之妙流睇未足稱奇善曰周易曰弦木為弧刻木為矢弧矢之利以威天下蓋

取諸睽幽通賦曰養流睇而猿號李虎發而石開濟曰取睽射也養由善射流睇而猿號也睇邪視也至

公以奉上鳴謙以接下撫僚庶盡盛德之容交士林忘

公侯之貴

善曰周易曰鳴謙貞吉中心得也尚書曰奉先思孝接下思恭辨亡論曰接士盡盛德之

容吳志魯肅曰不失下曹從事交游士林

虛懷博納幽關洞開

善曰鄒潤甫為諸葛謬答

晉王命曰雖曰博納虛懷下開戴逵樓林賦曰幽關忽其離鍵玄風暖以雲頽西征賦曰宵中豁其洞開翰

曰道體幽微本於閒也人皆難曉而王洞然開通至其妙理也

宴語談笑情瀾不竭

毛詩曰燕笑語兮是以有譽處兮世說曰王太尉云郭子玄語議如懸河寫水注而不竭向曰其情如波瀾

不可竭盡也

譽滿天下德冠生民

善曰孝經曰言滿天下無口過干寶晉紀武帝詔曰

蓋德冠生民必饗不泯之榮

銑蓋百代

五臣本作世

之儀

表千年

五臣本作載

之領袖曾不愁

魚新

留梁摧庵及

善曰荀氏家傳

曰荀或德行周備名重天下莫不以為儀表王隱晉書曰魏舒為相國參軍晉王特加器敬每朝會罷坐而目送之曰魏舒堂堂實斯人之領袖也左氏傳孔丘卒公誄之曰旻天不弔不愁遺一老禮記曰孔子早起負手曳杖逍遙於門歌曰泰山其頽乎梁木其壞乎良曰慙惜也梁摧謂如屋之梁棟摧折也奄及言速及也

豈唯僑終蹇謝興謠輟相而已哉

善曰潘岳賈充誄曰秦亡蹇叔春者不相

杵史記趙良曰五穀大夫死春者不相杵史記以為五穀而云蹇叔未詳潘沈之旨濟曰僑謂子產也蹇謂蹇叔也終謝皆死也子產死鄭人興歌曰我有子弟子產誨之我有田疇子產殖之子產而死誰其嗣之此則輟春而思憶之相送杵聲也凡我僚舊均哀共戚

翰曰戚憂

也怨天德之無厚痛棠陰之不留

善曰周易曰用九天德不可為首也鄧析

子曰天於人無厚也何足以言之天不能令天折之人更生為善之民必壽此於民無厚也淮南子曰日朝發扶桑入于落棠高誘曰扶桑日所出落棠山日所入也向曰落棠山名也日所入也言其光陰不復留也

思所以克播遺塵敞之穹壤

善曰魏都賦曰列聖之遺塵曹植露盤頌曰敞之天

壤以顯元功地也言使遺塵之聲與天地同敞

銑曰播布穹天壤

乃刊石圖徽寄情銘

頌

翰曰刊刻也徽美也

其辭曰

天命玄鳥降而生商

善曰毛詩商頌文也氏女吞鸞卵而生契契殷之先祖

翰曰有娥

也商則殷也蕭氏殷後故述也

是開金運祚始玉筐

善曰金謂殷鄒子曰五德從所不勝

虞土夏木殷金周火呂氏春秋曰有娥氏有二佚女為九戚之臺飲食以鼓帝命燕往視之鳴若臨臨二女愛而爭搏之覆以玉筐少選發而視之驚遺卵而北飛遂不反高誘曰帝天也天命燕降卵於有娥氏女吞之生契濟曰殷以金德王故曰金運三仁去國五曜入房

善曰論語曰微子去之箕子為之奴比干諫而死孔子曰殷有三仁焉春秋元命苞曰殷紂之時五星聚房房者蒼神之精周掾而興向曰三仁同善注房蒼神之精則周室未德而興焉亦白其馬侯服

周王善曰毛詩序曰有客微子來見祖廟詩云有客有客亦白其馬又曰侯服于周天命靡常銑曰武

王勝殷紂微子封於宋以奉殷金德故本枝派別因采白其馬侯服謂為諸侯以奉周王也

命氏善曰微子之後食邑於蕭因氏焉毛詩曰文王孫子本枝百世吳都賦曰百川派別漢書曰揚雄之

先初食米於晉之楊因氏焉左氏傳羽父曰胙之土而命之氏良曰本枝謂與殷同根枝如木之生焉後乃分族如水同源而分流王畿二百里地曰宋其蕭氏之先蕭叔大心因食米於蕭命為蕭氏焉水分流曰派也

涉徐而東義均梁徙

善曰謂徙蘭陵也王隱晉書曰徐州部東海郡蘭陵縣班固高紀贊

劉向曰戰國時劉氏自秦獲於魏秦滅魏遷大梁都豐故周市說雍齒曰豐故梁徙也頌高祖云涉魏而東遂為豐公翰曰蕭氏本徙殷涉於徐州東居於蘭陵縣則蕭氏之地均同也言遷居之義與劉氏徙大梁移居於豐同也漢氏隨魏徙大梁自茲以降懷青拖紫

善曰解朝

曰紆青拖紫朱丹其轂向曰

崇基巖巖長瀾瀾瀾

密爾

反善曰毛詩曰節彼南山維石巖巖又曰新臺有泚河水瀾瀾銑曰巖巖高兒瀾瀾流長兒言其祖宗德

高而祚惟聖造物龍飛天步

善曰莊子孔子曰夫造物者為人司馬彪曰造物謂

道也周易曰飛龍在天利見大人毛詩曰天步艱難之

子不猶

良曰造物謂利萬物也龍飛為升帝位天步

謂游於高遠至艱難也

載鼎載革有除有布

善曰鼎革二卦名也周易曰井道不可不

革故受之以革革物者莫若鼎故受之以鼎漢書音義

文穎曰字星多為除舊布新改易若上也

濟曰載則

也鼎革易卦也鼎者取新之義革改也

改舊之理也除其故事以布新制也

高皇赫矣仰膺

乾顧

善曰曹府君陳寔誅曰赫矣陳君毛詩曰乃眷西顧此維與宅翰曰赫盛也膺當乾天也

景皇蒸哉實啓洪祚

善曰毛詩曰文王蒸哉潘岳羊夫人謚策文曰光啓洪祚慶流萬國

開向曰蒸君啓洪大祚福也

喬嶽峻峙命世興賢

善曰毛詩曰崧高維岳峻極於天維

岳降神生甫及申鄭玄曰福祚興於子孫孟子曰五百年必有王者興其間必有名世者廣雅曰命名也銑

曰喬應期誕德絕後光前善曰膺五百歲之期也曹植高也上文帝誅表曰階青雲而誕

德晉起居注安帝詔曰元功盛德超前絕後良曰謂應五百年之期而誕生賢德後世當更無如此賢者故

云絕後其賢德光於幾以成務覺在民先善曰周易曰祖考故云光前也夫幾者動之

微又曰夫易開物成務孟子伊尹曰天之生斯民使先覺覺後覺予天民之先覺者也銑曰謂先覺事幾也

位非大寶爵乃上天善曰周易曰天地之大德曰生聖人之大寶曰位孟子曰有天爵有

人爵仁義忠信樂善不倦此天爵也爰始濯纓清猷澹

公卿大夫此人爵也翰同善注發善曰楚辭曰滄浪之水清可以濯吾纓毛詩曰滄滄維商長發其祥向曰於始濯纓謂緬初入仕時也

文選 四十九

纓衣領也猷謀濬深也

升降文陸逵也魏闕

善曰漢書梅福上疏曰願一登文石之陸

涉赤墀之塗夏侯雅景福殿賦曰乃陟乎文陸以登華殿呂氏春秋中山公子牟謂詹子曰身在江海之上心居乎魏闕之下高誘曰魏闕象魏之闕也銑曰文陸天子殿階也以文石砌之逵也行兒魏闕天子之闕

惠露霑吳仁風扇越

善曰陸機謝成都王牋曰慶雲惠露止於落葉良曰恩惠仁德如

露之霑潤風之扇動也吳越二國名緬為吳郡會稽太守故也

涉夏踰漢政成期月

善曰楚辭曰江與夏之不可涉夏水名也尚書曰逾于漢論語子曰苟有用我者暮月而已可也三年有成濟曰夏謂荊州漢謂襄陽緬皆曾理也

用簡必從日新為盛

善曰周易曰簡則易從又

曰日新之謂盛德翰曰用事簡下人必易從而理日新其德是為盛美之道在上哀矜臨下

莊敬

善曰論語曾子曰上失其道民散久矣如得其情則哀矜而勿喜又曰季康子問使民以敬如之何

子曰臨之以莊則敬向曰為上則哀矜下人所不逮也莊敬恭儉禮敬也

草木不夭昆蟲

得性

善曰毛詩序曰周家忠厚仁及草木又曰民樂其有靈德以及鳥獸昆蟲焉銑曰草木不以時不

伐之禽獸不以時不殺之故不大而得性也

我有芳蘭民胥攸詠

善曰芳蘭即上芳若

椒蘭也

良曰芳蘭喻其德盛馨香胥相攸所也言人歌謠所以詠其德也

羣夷蠢蠢巖別

嶂分

善曰爾雅曰蠢動也向曰蠢蠢動兒巖嶂山也言各分別四居於山也

傾山盡落其

從如雲

善曰毛詩曰齊子歸止其從如雲濟曰落謂蠻夷所聚居處也言其皆歸緬德傾盡山居而

來其徒相從挈妻荷子負戴成羣

善曰莊子邠人謂邠王曰挈吾妻子以從

王乎此又曰石戶之農夫負妻戴子入海也 銑曰挈維也負戴謂負擔生資之物而來成羣言人多也

迴首請吏曾何足云

善曰封禪書曰昆蟲閭澤迴首面內漢書曰邛笮之君長聞南夷與

漢通請吏比南夷 翰曰漢朝南夷及邛笮之君長皆迴首請吏比之於齊則漢何足可云也迴首請吏謂願

歸帝命以爲臣也

昔聞天道仁罔不遂

善曰老子曰天道無親常與善人論語子曰仁

者壽莊子曰聖也者遂於命者也 良曰罔無也遂猶輔也

彼蒼如何興山止簣

善曰

毛詩曰彼蒼者天殲我良人論語曰譬如爲山雖覆一簣進吾往也 向曰彼蒼天也興山止簣謂起土爲山

而未成少一簣之土而止作也言緬有開國成務之志未遂而死亦如興山止於一簣也簣土籠也 四牡

方馳六龍頓轡

善曰毛詩駕彼四牡四牡項領頓轡喻死也楚辭曰貫鴻濛以東竭兮維六龍於

扶桑王逸注曰結我車轡於扶桑以留日行幸得延年壽也頓猶舍也翰曰四牡謂駟馬也言將乘駟馬之

駕為國家馳使四方安靜人難而日御下駐斯民曷仰頓下其轡光陰已沒謂緬死矣六龍日御也

邦國殄瘁

善曰毛詩曰人之云亡邦國殄瘁向曰緬既死矣此下人何所仰焉殄盡瘁病也言邦

國之人盡如病也

齊隕晏平行哭致禮

善曰晏子曰齊景公遊於淄晏子死公擊驅而

馳自以為遲下車而趨知不如車之駛則又乘之比至國四下而趨至則伏尸而哭曰百姓誰復告我惡邪

銑曰晏子名平仲故云晏平也

趙徂昌國列邦揮涕

善曰史記曰樂毅為燕伐齊破之封

樂毅於昌國昭王卒燕惠王疑毅毅降趙號曰望諸君而卒於趙淄岳太宰魯公碑曰趙喪望諸列國同傷家語敬姜曰無揮涕涕以手揮之也濟曰況我君斯皇樂毅卒於趙列國聞之皆悲泣揮涕也

之介弟

善曰左氏傳伯州犂謂皇諷曰夫子為王子園寡君之貴介弟也良曰君斯猶此君也此君

謂緬也皇謂明帝也介大也

哀感徒庶慟興雲陸

善曰左思七畧曰閨甲第之廣袤建

雲陸之差我翰曰徒庶下人也雲陸天子殿階也不言天子而云陸者不指斥言也亦言陛下也階毀

留攢川汎歸軸

善曰禮記曰君殯用輜攢至于上鄭玄曰攢猶菽也殯君棺以龍輜菽不題湊

象樽儀禮曰遷于祖用軸鄭玄曰軸軼也向曰攢謂堂中權殯之名也其毀者謂啓發其殯將歸于國也留

謂留其殯處餘跡也川汎歸軸謂船載其柩以歸也以船比車故云軸也競羞野奠爭攀去

轂

銑曰言下人皆競進於野以申奠祭之禮爭攀去轂謂船去而攀留遵渚號追臨渡望

哭

善曰毛詩曰鴻飛遵渚范曄後漢書曰祭遵喪至河南車駕臨之望哭哀慟濟曰循其洲渚號泣而追

送之也

無絕終古惟蘭與菊

善曰楚辭曰春蘭兮秋菊長無絕兮終古良曰蘭

菊皆草名也喻人德如此物之香不絕至于終古也

塗由帝渚朱軒靡駕

善曰楚辭曰帝

子降兮北渚尚書大傳曰未命為士不得乘朱軒曰帝渚謂湘江也帝堯之女娥皇女英沒於此故云緬

抵路由此水而過也言平生朱車之榮今則無此駕

東首塋園即宮長夜

善曰廣雅曰首

向也漢書音義如淳曰塋冢田也禮記曰孔悝鼎銘曰即宮于宗周李陵詩曰嚴父潛長夜慈母去中堂向

曰東首謂向東葬也即就也宮居也長夜謂墓中也

逝川無待黃金難化

善曰論語子在

川上曰逝者如斯史記少君言上曰祠竈則致物而丹妙可為黃金黃金成以為飲食器則益壽

銑曰待猶

停也黃金難可化為神丹以致神仙長生也言逝者如川不停又不能化金以為長生故至死也

鐘石

徒刊芳猷永謝

善曰吳越春秋樂師謂越王曰君王德可以刻之金石王逸楚辭注曰謝去也

翰曰百官有德者刻之於石言已死矣徒為之也永長謝去也鍾即金也刊刻也

墓誌

善曰吳均齊春秋王儉曰石誌不出禮典起宋元嘉顏延之為王琳石誌

劉先生夫人墓誌一首

善曰蕭子顯齊書曰太祖為劉瓛取王氏女瓛卒天

監元年下詔為瓛立碑號曰貞簡先生王僧孺劉氏譜曰瓛取王法施女也向曰瓛平生與其妻道義相得終身不改志也

任彥升

既稱萊婦亦曰鴻妻復有令德一與之齊

善曰列女傳曰老萊子逃

世耕於蒙山之陽或言之楚王楚王遂駕車至老萊之門楚王曰守國之孤願變先生老萊曰諾妻曰妾聞之居亂世為人所制此能免於患乎妾不能為人所制者投其畚而去老萊乃隨之又曰梁鴻妻者同郡孟氏之女也德行甚修鴻納之共避逃霸陵山中後復相將至會稽賃舂為事雖雜傭保之中妻每進食常舉案齊眉不敢正視以禮修身所在敬而慕之曹植王仲宣誄曰既有令德材技廣宣禮記曰信婦德也一與之齊終身不改 銑曰老萊子婦梁鴻妻並古之賢婦人也言夫人復有善德一與二婦人齊德也 實佐君子

簪蒿杖藜

善曰毛詩序曰又當輔佐君子求賢審官東觀漢記曰梁統與杜林書曰君非隗囂不降

志辱身至簪蒿席草不食其粟莊子曰子貢見原憲原憲杖藜應門 翰曰簪首飾也以蒿為簪以藜為杖儉

也藜蒿類也

欣欣負戴在冀之畦

善曰漢書曰朱買臣常刈樵其妻亦負戴相隨畦音

攜良曰言夫妻相與負戴營業之物以相隨也白季使過冀見冀缺擣其妻饁之相待如賓冀地名畦田隴

也居室有行亟聞

五臣本作問

義讓

善曰言初居室及於有行俱聞義讓故曰亟也

烈女傳鮑蘇妻曰如不教吾以居室之行毛詩曰女子有行左氏傳趙衰曰臣亟聞其言矣濟曰亟數也

稟訓丹陽弘風丞相

善曰蕭子顯齊書曰璪晉丹陽尹恢六葉孫也然其妻王氏丞相導

之後也向曰稟受也晉丹陽尹劉恢是璪六代祖也故璪稟受其訓焉晉丞相王導是夫人先祖故弘其風也

教籍甚二門風流遠尚

善曰漢書曰陸賈遊漢庭公卿間名聲籍甚習鑿齒晉陽秋曰

王夷甫樂廣俱宅心事外言風流者

肇允才淑閭德斯

稱王樂焉銑曰二門謂劉王也
諒善曰毛詩曰肇允彼挑蟲又曰窈窕淑女禮記曰內言不出於閭鄭玄曰閭門限也毛萇詩傳曰諒信也

翰曰肇始也允信也淑美也諒善也言夫人始信才美之盛而閭內之德此為善也禮云內言不出於閭閻

門限也

蕪沒鄭鄉寂寥揚冢

善曰范曄後漢書曰鄭玄字康成北海人也國相孔融深

敬玄屣履造門告高密縣為玄特立一鄉曰齊置士鄉越有君子軍皆異賢之意也今鄭君鄉宜曰鄭公鄉七略曰揚雄卒弟子侯芭負土作墳號曰玄冢良曰孔融為北海相為鄭玄特立一鄉號曰鄭公鄉揚雄卒其弟子為其起冢故云揚冢蕪沒寂寥言人死而荒涼也言劉先生之德如鄭揚二君

參差孔樹

毫末成拱

善曰皇覽聖賢冢墓誌注曰孔子冢在魯城北泗水南冢塋中樹以百數皆異種人傳言

孔子弟子異國人各持其國樹來種之其樹柞枌楸離五味欖檀之樹魯人莫之識老子曰合抱之木生於毫末公羊傳曰秦伯謂蹇叔曰爾之年老冢上之木拱矣濟曰拱合手也參差木不齊兒謂先生卒而墓樹已

合拱 暫啓荒埏長局幽隴

善曰蕭子顯齊書曰王氏被出今云合葬蓋獄卒之後王

氏宗合之

向曰言夫人將開先生墓而入焉則長閉於幽隴之中矣荒埏墓中道也局開也


夫貴妻

尊匪爵而重

善曰喪服傳曰夫尊於朝妻貴於室潘岳夏侯湛誄曰惟爾之存匪爵而貴

翰曰

其夫以道德見貴於時其妻亦因道德而尊非為爵祿重也匪非也



文選卷五十九